

上





刻丹溪先生纂要目錄

●卷之一

○中風第一

○傷寒第二

○瘟疫第三

附大頭瘟 蝦蟆瘟 瘧瘵 瘴氣

○內傷第四

○暑病第五

○濕病第六

○火熱第七

○鬱症第八

○痰症第九

○咳嗽第十

○哮喘第十一

○喘第十二


●卷之二

○瘧疾十三

○癰亂十四

○瀉第十五

○痢疾十六





○嘔吐十七 附惡心

○噎膈十八

○欬逆十九

○暖氣二十

○吞酸二十一 并吐酸

○饕雜二十二

○傷飲食二十三

○痞滿二十四

○腫脹二十五

○積塊二十六 附茶癖

●卷之三

○注夏二十七

○冒風二十八

○虛損二十九

○癆瘵三十

○蟲第三十一

○惡寒三十二

○惡熱三十三

○眩暈三十四

○頭痛三十五 并頭風  
眉骨痛

●卷之四

○心痛三十六 并脾痛

○腹痛三十七

○腰痛三十八 附腎着

○脇痛三十九

○諸氣第四十

○疝第四十一

○脚氣四十二

○痛風四十三 附風牽強瘰

○痿第四十四

○手麻木四十五

○耳病四十六

○目病四十七

○口病四十八

○喉病四十九

○牙病第五十

○鼻病五十一

○衄血五十二

○吐血五十三 夾血 壅血

○便血五十四 下血 溺血



●卷之五

○汗第五十五

○瘰第五十六

○厥第五十七

○癩第五十八 附癩狂

○邪崇五十九

○怔忡第六十 附驚悸

○健忘六十一

○消渴六十二

○便獨六十三

○遺精六十四

○淋閉六十五 附不禁

○關格六十六

○秘結六十七

○脫肛六十八

○痔漏六十九 附腸風

○黃疸第七十

○癩第七十一 附丹疹

○瘦氣七十二

○結核七十三

○瘡瘍七十四 附

背癰 骨疽 醫癰 內疽 肺癰 腸癰 乳癰

囊癰 便毒 瘰癧 雜瘡 破傷風 疥

癩 癬痒

○癘風七十五

●卷之六

○嬾人證七十六 附

經候 崩漏 帶下 胎產

○小兒證七十七 附

驚風 疳積 吐瀉 腹脹

腹痛 夜啼 痰熱 爰蒸 解顛 喫泥 脫囊

脫肛 赤腹 臍汁出 頭瘡 尾骨痛

痘瘡



新錄丹溪先生醫書纂要心法卷之一

後學 東陽 盧和 廉夫 纂註

●中風第一

真中風邪者東垣中血脉中府中藏之說甚好子和三法亦可用

面加五色有表証脉浮而惡風寒拘急不仁皆中府也唇緩失音鼻塞耳聾眼昏使秘皆中藏也中府多着四肢中藏多滯九竅中府以加減小續命湯發其表調以通聖辛涼之劑中藏以三化湯通其滯謂以才全四物之劑中府及中藏者藥又兼用先表之而后通之也其或外無六生之証內無便溺之阻肢不能舉口不能言此中經也宜用大秦茺湯補血以養筋然其方及的係風邪卒中有外感而無內傷者斯可用之否則不可輕用也經曰邪之所湊其氣必虛

諸書只謂外中風邪惟劉河間作將息失宜水不制火極是然地

有不同西北人外中者亦有東南人只是溼土生痰又生熱又

生風也已下者類中風病○接內經有曰風之傷人或為寒中或為熱中要畧諸書因著為中風方治但人之病此者



其少若內傷熱証而卒暴僵仆類乎中風者則常有之世人率  
名為中風而以風藥治之殺人多矣丹溪本河間東垣之說而  
以傷主治王安道以為因內傷者自是類中風病與風無干宜  
別而出之其言當矣乃以昔人主乎風河間主乎火東垣主乎  
氣丹溪主乎治而有昔人三子各得其一之說矣以三子不知  
有真中風者言斯過矣夫河間之論實具水火類之下而不以  
言風且別著中風論治甚詳東垣謂曰內傷氣病且曰亦有  
風襲虛而分在府在藏之異丹溪謂曰於溼熱則曰外中者亦  
有三子何嘗歸之氣溼而言無中風也耶茲欲如所謂別而  
出之別立篇目愚不敢專且各病多曰於倍如所謂腕痛名心  
痛之類皆名非其病故曰以真中風証治列于前類中風証治  
列于后如此則各同病異判然明白倍醫之繆于此亦可正矣  
局方本為外感立方而以内傷熱證衮同出治其害非輕大率主  
血虛有痰或挾火與濕治法以痰為先補養次之初中急插人  
中能醒

痰雍盛者口眼喎斜者不能言者皆用吐法輕者醒者用瓜蒂散  
或鯁汁或稀涎散吐之重者口噤者用藜蘆少加麝灌入鼻內

吐之一吐不已再吐之六有不可吐者虛甚故也

氣虛勞倒參芪湯補之挾痰則濃煎參湯加竹瀝薑汁血虛四物  
湯補之挾痰則四物用姜汁炒過加竹瀝姜汁能食者去竹瀝  
加荆瀝

半身不遂大率多痰在左屬死血與無血宜四物痰加菝仁紅苓  
竹瀝姜汁在右屬痰屬氣虛宜二陳湯四君子湯加竹瀝姜汁  
肥人多濕少加附子烏頭行經

烏頭天雄皆氣壯形偉可為下部藥之佐無表其害人之禍相習

●用治風之藥殺人多矣治風治寒有必月者當以重便煮而  
浸之以殺其毒且助下行之力入鹽尤捷

遺尿者屬氣虛以參芪補之



許胤宗治王太后病風不能言而脉沉其事急矣非大補不可也  
若用有形之湯藥緩不及事乃以防丰黃芪煎湯數餅置于牀  
下湯氣薰蒸滿室如霧使口鼻俱受之其夕便得語此非智者  
通神之法不能回也蓋人之口通乎地鼻通乎天口以養陰鼻  
以養陽天主清故鼻不受有形而受無形地主濁故口受有形  
而兼乎無形也

凡人患滯下一夕昏仆目上視溲注汗沁脉大無倫以陰虛陽暴  
絕也蓋得之病后酒色急灸氣海穴在臍下一寸半漸甦服人參膏數  
斤而愈

夏月卒倒為暑風此類中風病見於夏者原以暑風見立篇名今并入有因火者內火外火  
合而焮燥也有因痰者暑氣激痰塞碍心竅也二者皆宜吐一

### 吐移用調理藥

許學士云六有氣中者因七情所傷氣中即倍謂之氣厥也脉又沉若浮則風脉也許學士又曰宜以蘇合香丸灌之至醒隨其寒熱虛實調之又曰此氣暴逆而然氣復即已雖不藥而愈中風與類中風身温且多痰涎身冷且無痰涎

不治證口開手撒眼合遺尿吐沫直視喎如鼾睡五藏氣絕欬不手撒者脾絕眼合者肝絕遺尿者腎絕肉攣筋痛一云筋枯者痛是無聲如鼾者肺絕若見一証猶可治也頭上竄面赤如狂汗綴如珠皆不治真中風同

### 附方

#### ●小續命湯

麻黃去節 人參 黃芩 芍藥 防已



川芎 杏仁 甘草 桂各 及附子 五糸

防風 一及五糸

○右剉每服五七錢加生薑五片水煎食前熱服金匱要畧有石膏當歸無附子

凡中風不審六經之加減雖治之不能去其邪也內經云開則泄

然寒閉則熱而悶知暴中風邪宜先以加減續命湯隨證治之

中風無汗惡寒麻黃續命主之依本方麻黃防風杏仁各加一倍

宜針至陰足小指外側爪甲角針二分 出血崑崙足外踝後眼骨舉蹻

中風有汗惡風桂枝續命主之依本方桂枝芍藥杏仁各加一倍宜

針風府項后入髮際一寸針三分禁灸

上二證皆太陽經中風也

中風有汗身熱不惡寒白虎續命主之依本方甘草加一倍外加

石膏知母各二兩

中風有汗身熱不惡風葛根續命主之依本方桂枝黃芩各加一

倍外加葛根二兩宜針陷谷足大指次指間本節后陷中針五分去陽明之賊刺

厲兌左足大指次指去爪甲如韭葉瀉陽明之實

上二證皆陽明經中風也

中風無汗身涼附子續命主之依本方附子加一倍甘草加三兩

外加乾姜二兩宜刺隱白足大指內側爪甲角去太陰之賊此太陰經中

風也

中風有汗無熱桂枝續命主之依本方桂枝附子甘草各加一倍

宜針太谿足內踝后眼骨上陷中動脈應手針透崑崙此少陰經中風也

中風六證混淆繫之於少陽厥陰或肢節痠痛或麻木不仁宜剋



活連翹續命主之小續命八兩外加羌活四兩連翹六兩

古之續命混淆無六證之別今各分經治療又分經鍼刺法厥陰

之井大敦足大指甲后一刺以通其經少陽之經絕骨外踝上

壯五灸以引其熱是鍼灸同象法治之大林

●防風通聖散

防風 川芎 當歸 芍藥 大黃 芒硝

連翹 麻黃去節 薄荷各五 石膏 桔梗 黃芩各二

荆芥穗 白朮 山梔各一 滑石二 甘草二

○右剉每服一兩加生姜水煎服

易

大黃 枳實 羌活

○右剉每服一兩水煎

●大秦羌湯

秦羌 石膏各二 甘草 川芎 當歸 芍藥

羌活 獨活 防風 黃芩 白芷 白朮

生地黄 熟地黄 白茯苓各乙兩 細辛五

○右剉每服一兩水煎天陰雨加生姜七片春夏知母一兩

●愈風湯療產後中風口禁手足癱瘓如角弓伏六治血運四肢

強直

荆芥 各炒為末

○右每服三錢豆淋酒下童便亦可其效如神又方加當歸

等分入酒少許水煎灌下即醒徐氏曰風木陽邪經曰賊



丹溪醫要 卷五  
分之二藥多血分之二藥少惟此方以  
產後多因血虛故專用行血之藥

### 傷寒第二

外感無內傷者用仲景法今採傷寒及濕暑諸方附于後

傷寒挾內傷者十居八九經曰邪之所湊其氣必虛補中益氣湯

從六經所見之證加減用之氣虛甚者少加附子以行參芪之

功補中益氣加減法如見太陽証頭項痛腰脊強加羌活藁本桂枝湯陽明身熱日疼而鼻乾不渴加葛根倍升麻少陽實脇痛而耳聾加黃芩半夏夏川芎倍柴胡太陰腹滿而溢乾加枳實厚朴少陰口燥枯乾而渴加生薑少桔梗厥陰頭滿而表証加川芎交証發斑加干葛玄參倍升麻

東垣謂內傷者極多外傷者間而有之此發前人所未談欲辨內

外傷之證東垣詳矣辨法見內傷篇後人徇倂不見真切雷同指為外

傷極繆其或可者蓋亦因其不敢放肆而多用和平之藥散之

耳若粗率者又致殺人有感冒輕病不可便認為傷寒西北二

方極寒肅殺之氣外傷甚多東南二方溫和之地外傷甚少所

謂千百而一二也雜病亦有六經所見之證故世倂混而無別

傷寒自仲景而下著述紛然未見其有的然可為後學準繩者

甚至傷寒之名亦無定擬各不正其可言治乎夫自霜降后至

春分前感寒而即發從太陽鬱熱以次而傳陰經或太陽三陽

陽明少陽而即傳少陰或不傳由陽經而入陰經或太陽與少陰

同受而為合病或太陽又明先後受而為併病或太陽與少陰

陽明與太陰少陽與厥陰又陽俱受而為兩感之類此皆感而

即病仲景立法所治之傷寒也其不即病寒毒藏于肌膚之間

至春交為溫夏交為暑或時疫而復感暴寒之類此不即發之

溫暑熱病與本無冬月所受之邪而春復自感暴寒之類此皆

感寒而顯表證則此所謂挾內傷之傷寒也即病然氣虛即發每

之法備矣四時之傷寒歷代諸番祖仲景而更立法仲景又

具焉但若不若潔古所製九味羌活湯尤為切當茲推冬時即病

仍用仲景法其餘三時下分溫暑寒疫悉以羌活湯治之但有

表証方便與此藥無不愈者若頭痛惡寒已除不惡寒而惡熱大

便難方可疑下畧帶表証以大柴胡湯無表証若痞而便以小



承氣和在中焦作滯者以調胃承氣溫煩懣燥者以大承氣宜  
詳証用之不可過也其挾內傷之傷寒則以補中益氣從六經  
証加減用之或內傷堅而外感輕則以補養為主而兼發散為  
先而後補養其輕重緩急之間視之一失其宜則禍福霄壤李  
者慎之

一人舊有下疳瘡忽頭疼發熱自汗衆作傷寒治反劇脉弦甚七  
至重則濟子曰此病在厥陰而與證不對以小柴胡加草龍膽  
胡黃連熱服四貼而安

一少年貧勞冬患惡寒吐血二三日六脉緊潛食減中痞醫服溫  
膽湯枳殼湯三日後發潮熱口乾不渴有痰詢知因悲泣忍飢  
霜中渡水以小建中湯去芍藥加桔梗陳皮半夏四貼而安

証皆內傷挾外感者

有卒中天地之寒氣曰中寒仲景論傷寒而未及乎中寒先哲治

胃大寒洗昏中者用附子理中湯其議藥則得之矣曰傷曰中  
未有議其異同者夫傷寒有即病有不即病因其舊有爵熱風  
寒外束肌腠自密爵發為熱病和循經而入以和而深初用麻  
黃桂枝暈微表而安以病躰不甚虛也中寒則倉卒感受其病  
即發而暴因其睦理踈豁一身受漸難分經絡無熱可發溫補  
自鮮此氣大虛也不急治則死矣

傷風證屬者多

風邪入於腠理肺主皮毛故也此感冒輕証戴氏所謂新灸救声重遺契鼻塞者是也

一時傷風頭痛發熱惡寒怕風便宜解散用防風羌活升麻葛根  
白芷台芎荆芥之類補藥痰藥隨証加減

飲食過傷又兼傷風又用白木陳皮山查麥蘗青皮枳壳消導其  
裏兼用台芎防風羌活以解其表



因起居不常房勞之後以致感傷又須以補氣血為主用參朮芎歸以補其裏兼用防丰菟活等以解其表

小兒傷風咳嗽吐痰用二陳湯加防風枳椇白木桔梗有熱加黃芩柴胡

附說○傷寒傳足經不傳手經

草窓劉氏曰夫人身經絡上下手足走而不息豈有間斷其手

足不傳手者蓋足經所屬皆水土木太陽膀胱水陽明胃土少

水厥陰肝木水遇寒則涸而冰木遇寒則葉落而枝枯土遇寒則折

而冰堅是皆不勝其寒也乎經所屬皆金與火太陽小腸火陽

心火小腸三焦火太陰肺金厥陰心乙絡火金之遇寒則愈堅是畏火而不畏寒也

火體極熱而寒不能襲由是觀之傷寒傳足不傳手之理極其

明矣或曰此理自東垣而下皆未明白草窓所論可謂發前人之未發也

附方

●麻黃湯 治太陽脉浮頭疼發熱惡寒身痛無汗而喘冬時即

病宜服春分後忌之

麻黃 一斤 桂枝 一斤 甘草 五斤 杏仁 五十枚

○右剉每服五錢水煎溫服取汗出為度

●桂枝湯 治太陽中風發熱汗出鼻鳴乾嘔冬時即病宜服春

分後忌之

赤芍藥 桂枝 各六分 甘草 四分

○右剉每服五錢加生姜三片棗二枚水煎溫服須臾啜稀

粥助藥力以取微汗若小便數及飲酒人不宜用飲酒人不言甘



恐中滿而嘔出

●小柴胡湯 治傷寒四五日往來寒熱胸渭心煩喜嘔少陽發熱風溫身熱

柴胡二升 半夏八升 黃芩 甘草 人參各七升

○右作五服每加生姜三片棗二枚水煎溫服

●大柴胡湯 治內熱大便難身熱不惡寒反惡熱

柴胡二升 黃芩七錢 芍藥三升 半夏六升 枳實四枚 大黃五升

○右剉作三服每加姜朮水煎溫服一方加大黃五錢

●調胃承氣湯 治太陽陽明不惡寒反惡熱大便秘譫語嘔噦

甘草五升 芒硝九分 大黃一升 浸酒

先煎大黃甘草至七分去滓入硝煎一二沸

溫服取利今用五錢作一服

●小承氣湯 治六七日不大便腹脹滿陽明無表證汗後下惡

寒潮熱狂言而喘

大黃一升 厚朴五升 枳實六升

○右剉作一服水煎溫服以利為度未利再服

●大承氣湯 治胃實譫語五六日不大便服痛煩渴少陰舌乾

口燥

大黃五升 厚朴一兩 枳實五升 芒硝五升

○右水二鍾半先煎厚朴枳實至一鍾入大黃煎七分去渣

入硝煎一二沸溫服以利為度未利再服

●理中湯 治太陽自利不渴寒多而嘔腹痛鴨溏虵厥瘧亂



人參

甘草

乾葛

白朮

各七升半

○右剉每服五六錢水煎本方加附子一枚名附子理中湯

●小青龍湯 治傷寒表不解心下有水氣乾嘔發熱而欬或渴或利或噎或小便不利小腹滿或喘者

乾姜炮

細辛

麻黃去節

肉桂

芍藥

甘草炒各三升

五味二升

半夏二升半

○右剉每服三四錢水煎溫服

●大青龍湯

治傷寒見風傷風見寒太陽無汗脉浮緊發熱惡寒煩燥若脉弱惡風汗出不可服

寒煩燥若脉弱惡風汗出不可服

麻黃三升

桂枝一升

杏仁二十枚

甘草一升

石膏

半雞子大

○右剉每服五錢每加姜三片束一枚水煎溫服取汗

●葱熨法

治陰証身靜而重語言無聲氣少難以不息目睛不了了口鼻氣冷水漿不入大小便不禁面上惡寒有如刀刮先用此法乃用四逆湯服之

用葱一束以繩札如餅大切去根葉留葱白長二寸先以火灸

一面令熱勿至灼火以熱面著臍及臍下外面以熨斗盛火熨

之令熱氣透入腹中更作三四餅壞則易之俟病人漸甦手足

溫有汗乃服四逆湯

●四逆湯 治太陰自利不渴陰証脉沉身痛

甘草一升

乾姜七升

附子半生

黃連五升

○右剉作一服水煎溫服強人用大附子加乾姜三錢本方

乾姜加至一兩名通脉四逆湯治厥逆下利脉不至每服



五錢面赤如葱白九莖嘔加生姜咽痛加桔梗利止脉不出加人參

●小建中湯 治少陰惡寒手足倦傷寒二三日心中悸而煩脉微細者可服

桂枝 甘草各一芍藥二

○右剉作三服每加姜二錢東四枚外煎去渣入錫一合微火令洋温服嘔者不用錫

●小陷胃湯 治小結胃

半夏六分黃連三分瓜蒌一个連皮肉取四分之一

○右剉作一服水二鍾先煮瓜蒌至一鍾半下餘藥煎至一鍾温服如效再進微解得口出黃涎即愈

●大陷胃湯 治大結胃

大黃一斤芒硝一斤甘遂二分半

○右剉作二服每服水二鍾煎大黃至一鍾去渣入硝煎一沸次入甘遂末温服得快利止後服

●白虎湯 治汗後脉洪大而渴虛煩中渴加人參名白虎湯又名化班湯治赤班口燥煩渴

石膏 知母 人參

●大魁活湯 解利兩感傷寒經云兩感不治然所稟有虛實所感有淺深若稟實而生淺者間亦可生治之而不救者有矣未有不治而生者用此十中可活一二

羌活一分獨活一分防已 黃芩 黃連 白朮



川芎各一 細辛五分 生地黄 知母各二

○右剉作一服水煎熱服

●九味羌活湯 治春分後傷寒代桂枝麻黃湯用冬月用之亦可

羌活 防風 蒼朮各一分半 甘草 白芷

川芎 生地黄 黃芩各二分 細辛四分

○右剉作一服加姜二片束一枚水煎熱服覆取汗原有汗

走蒼朮加白朮渴加知母石膏○羌活治太陽肢節痛大無

不通小無不入乃撥亂反正之主也防風治一身盡痛聽君

將命令而行隨所使引而至蒼朮雄壯上行之氣能除濕氣

下安太陰使初氣不傳脾經甘草緩裏急和諸藥白芷治陽

明頭痛在額川芎治厥陰頭痛在腦生地黄治少陰心熱在

內黃芩治太陰肺熱在胃細辛治少陰腎經若頭痛此方乃

製丸見表証悉宜服之不犯三陽禁忌實解利之神藥也然以一藥而類治諸証苟用其方而不知所以立方之意則未免有執一之弊故述各藥主之使學者詳而用之

●六神通解散 主發表

麻黃五分 石膏 滑石 黃芩各一分 仙朮四分 甘草一分

○右剉每服姜五片葱白五寸豉五十粒煎服一方用防風

黃或云秋冬去防風加麻黃

●十神湯 治時氣瘟疫兩感風寒

川芎 甘草 麻黃 紫蘓 升麻 白芷

陳皮 香附 芍藥各四分 乾葛一分

○右剉每服五錢或一兩姜三片水煎熱服欬汗以被蓋再



煎服

●藿香正氣散 治外感發熱頭疼內因痰飲疑即為熱或中脘

痞滿嘔逆惡心又云治傷寒頭痛增寒壯熱

茯苓 白芷 大腹皮 紫蘓各一兩 陳皮 桔梗

白朮 厚朴 半夏 甘草 藿香三錢 前胡

○右剉每服五錢姜三片棗一枚同煎熟服欬汗以被蓋再

煎服

●參蘓飲 治同此

陳皮去白 枳殼炒 桔梗 甘草炙 木香各一錢 半夏

乾葛 紫蘓葉 前胡 人參 伏苓各七錢半

○右剉每服五錢生姜七片棗一枚水煎熟服一方不用木香

方非仲景法乃後人所制說者謂承平日久民食用尤足形志逸樂病屋疑似之間本元氣逸經滯乃用其法今世倍多四時傷寒

○瘟疫第三 治方通傷寒篇者 瘴氣一方

眾人病一般者皆天行時疫治有三法宜補宜散宜降用大黃又

芩黃連人參 桔梗蒼朮防風滑石香附人中黃冬月以竹一段刮去青番底一

節餘節竹通以大甘草納竹筒內以木塞其上竅以番節一頭放于糞缸中浸一月取出晒乾待用多人中黃大治疫毒也

為末神曲糊丸每服五七十九氣虛四君子血虛四物痿多二

陳作湯使送下熱甚者加童便

瘟疫惟有三因治法可用以其分內

勞推歲運

冬瘟為病非其時而有其氣者冬氣君子宜閉藏而反泄于外而



得之脉左寸浮大於右寸浮緩而盛按之無力宜補藥帶表已  
亦兼內傷而論治附錄  
諸方則專主外邪也

大頭天行病乃濕氣在高顛之上用羌活黃芩酒炒大黃酒蒸隨病加減不可用降藥方

東垣有法有方謂陽明邪熱太甚資實少陽相火而為之視其腫勢在何部隨經處治之當緩勿令重劑過其病所陽明為邪首大腫少陽為邪出於耳前厚先以黃芩黃連俱酒炒甘草炒煎少不住服或劑畢再用大黃鼠粘子炒煎成去查入芒硝各等分六時又呷之母令飲食在後及邪氣已只服前藥未已再同煎次第服之取大便邪氣已則止陽明渴加石膏少陽渴加瓜蒌根陽明行經升麻芍藥葛根甘草太陽行經羌活荆芥防風

並與上藥相合用之

或云頭疼茯苓口渴乾葛身痛羌活桂枝防風芍藥

蠟蟄瘟屬風熱解每凡下之又法用側柏葉自然汁調蚯蚓糞炒付或丁香尖附子尖南星醋磨付或五葉藤汁付或車前草服汁

附方

●九味羌活湯

●藿香正氣散

●六神通解散

凡疫病初起之時用正氣散煎大鍋每入服一碗以防未然若已病者用羌活湯六神通解散服之皆奇功劉草窓曰未病之人三五日一服乃可疫疾捷法之

●敗毒散 治疫厲四時通用傷風有汗夏至後用風瘟身腫體痛惡風口乾日晡發熱脉實

茯苓

甘草

人參

桔梗

川芎

柴胡

枳殼

全胡

羌活

獨活

芍分



○右剉每服七八錢加生姜薄荷水煎

●升麻蒼根湯 治無汗惡寒疫厲通用及發班

升麻 葛根 芍藥 甘草 各一兩

○右剉每服五錢水煎熱甚者用玄參去芍藥葛根各并麻湯

●黑奴丸 治陽毒發斑煩燥大渴倍常時行熱病六七日未得

汗脉洪大或數面赤目眼身痛大熱煩燥狂言欲走渴甚又五

六日已上不解熱在胃中口禁不能言為壞傷寒醫所不治棄

為死人精魄已竭心下絕煖撲開其口灌藥下咽即活

黃芩 釜底煤 芒硝 麻黃 炷突墨 梁上塵

小麥奴各一兩 大黃一兩

○右為細末煉蜜為丸如彈子大新汲水化下飲水盡足

發寒又已汗出乃差若時頃不汗再服一九須見微利若不

大渴不可與此藥

●甘桔湯 治冬瘟

甘草 桔梗等分 麻黃二兩 杏仁

○右剉水煎

●姜蕤湯 治冬瘟

姜蕤三分 石膏三分 麻黃 白薇 羌活 杏仁

甘草 青木香 川芎各一分 乾葛五分

○右剉分三服水煎服

●神木散 主山嵐瘴氣

陳皮八兩 蒼朮 厚朴各四兩 甘草 石菖蒲各五兩 藿香五兩



○右剉每服四錢加姜東煎一本用香附子三兩炒代薑蒲

名神木散氣散此方出心印神珠其功效前評之詳矣但

不能入可也每惟閩廣人以換即能治瘴終世常食之夫換

即中有破滯泄氣之功無瘴病而食之寧不自損其氣而有

開門延寇之患經曰邪之所奏其氣又虛

○內傷第三諸書有以傷食為內傷者有以虛損諸病為內

倦飲食內傷之病亦有寒熱表証類乎外傷風寒者世倍

多誤治之故作內外傷辨而內傷之名者矣謂之曰內傷

者所以別外也今以其有表証而似乎外傷者為內傷其

雖有內傷而致外傷風寒之重者則到于傷寒其傷食

與虛損名顯別証而不與外傷相似者則各

以本為立篇庶不失東垣命名之本意也

東垣內外傷詳甚詳為人迎脈大於氣口為外傷氣口脈大於人迎

熱間作而不齊外傷惡寒一切風寒內傷惡寒得就溫煖

即解外傷惡司乃不禁一利而雍盛有力內傷者不然內傷証

顯在口故口不知味而腹中不知外傷者無此外傷則和氣有

餘發言壯厲且先輕而後重內傷則元氣不足出言懶怯且先

重而後至外傷手背熱而手心不熱內傷則手心熱而手背不

熱東垣辨法大要如此然有內傷而無外感有外感而無內傷

者以此辨之則判然矣苟或內傷外感兼病而相挾者則其脈

証又並見而難辨尤宜細心求之若顯內証多者則是內傷重

而外感輕宜以補養為先若顯外証多者則是外感重而內傷

輕宜以發散為急此東垣之及也因贅其畧云

世之病此者為多但有挾痰者有挾外邪者有熱鬱於內而發者

皆以補元氣為主者所救而兼用藥氣虛其者又少加附子以

行參芪之功挾痰者以補中益氣多加半夏以竹瀝姜汁傳送

人因齋素飢寒作勞發熱頭疼醫與小柴胡自汗神昏視聽不

能脉大如指似有力與參木黃芪熟附炙甘草作大劑服之一

日汗少二日熱減能視聽加蒼木與二貼再得汗熱除乃去蒼

木附佐小劑服三日而安



一少年九月間發熱頭眩妄語大渴醫與小柴胡十餘貼熱愈其  
予診視形肥脉數大左甚以參朮為君茯苓芍藥黃芪為佐附  
一片為使與二貼不愈或謂不當用附子曰虛甚誤投寒藥人  
肥而脉左大於右事急矣非附子則參芪焉能有急效再一貼  
乃去附大劑與五十貼大汗而愈

一少年勤於農作忽勞倦火熱而渴恣飲泉水次日熱退言視謬  
妄自言腹脹不能轉側不食戰掉脉濇而大右為甚灸氣海三  
十壯用白朮黃芪各二錢附煮過五分與十貼不效又增發熱  
而渴但少進稀粥予曰此氣欲利而血未應也於前藥去附加  
酒當歸以和血有熱加人參一錢半與三十貼而安

一肥白人年壯因勞倦成病秋間大發熱已服柴胡等藥七八貼

夫两手脉洪數而實觀之形色知其脉本不實以服涼藥所治  
因與溫補藥黃芪附子湯冷飲三貼困睡微汗而解脉亦稍軟  
繼以黃芪朮湯脉漸斂小而愈是肥白人虛勞多氣虛也

一老人饑寒作勞患頭疼惡寒發熱骨節疼無汗妄語自服參蘓  
飲取汗脉洪數而左甚此胃虛作勞陽明雖受寒氣不可攻擊  
當大補其虛俟胃氣充實又自汗而解以參芪歸朮陳皮炙甘  
草每貼加附一片服五貼諸證雖解但口稍乾熱未退乃去附  
加芍藥漸思食精爽間與肉羹汗出熱退

一男子素嗜酒因感傷寒倦怠不思食半月後大發熱惡寒遍身  
痛脉浮大按之豁然左為甚此極虛受寒以人參為君黃芪芍  
藥歸身為臣蒼朮陳皮通草乾葛為佐大劑與之五貼汗如雨



凡三易被得睡而愈

附方

●補中益氣湯

黃芪甚勞後者甘草分五

人參

升麻

柴胡

橘紅

當歸身

白朮

各三分

○右剉作一服水煎脾胃虛肺氣先絕用黃芪以益皮毛而  
閑腠理不令自汗也上喘氣短損其元氣人參以補之心火  
乘脾炙甘草之甘温以瀉火熱而補脾胃中元氣若脾胃急  
痛腹中急縮者宜多用之此三味除渴熱煩熱之聖藥也白  
朮苦甘温除胃中熱利腰膝間血升麻柴胡苦辛味之薄者  
升胃中之清氣又引黃芪甘草甘温之氣味升能補衛氣之

散解而實其表又緩帶脉之縮急當歸以和血脉橘紅理胃  
中之氣又能助陽氣上升以散滯氣助諸脾胃為用或少加  
黃栢以救腎水而瀉陰中之伏火也聲熱者一二服氣和微  
汗而愈立方如如噎乾者加乾葛如身刺痛乃血澁不足加當  
歸如精神短少者加人參五味子如頭疼加蔓荊子痛甚加  
川芎項痛腦痛加藁本細辛有痰加半夏生姜如咳嗽夏加  
五味麥門冬秋冬加麻黃春加佛耳草欵冬花久嗽肺中伏  
火去人參如食不下乃胃中有寒或氣澁滯加青皮木香陳  
皮寒月更加益智草豆蔻夏更加芩連秋更加栝即砂仁如  
心下痞悶加芍藥黃連如腹脹加枳實木香砂仁厚朴天寒  
加姜桂如腹痛加白芍藥甘草有寒加桂心夏加黃芩甘草



芍藥冬加半夏益智草豆蔻如脇痛或縮急加柴胡甘草如  
臍下痛加熟地黄不已乃是寒也加肉桂如大便秘澀加芫  
歸大黃如脚軟之力或痛加黃栢不已更加防已加減法

○暑第五

暑脉無力按之微弱及脉來隱伏又脉虛經曰脉虛身熱得之傷暑微弱者大皆針腹屯

暑證用黃連香茹飲清暑益氣湯五苓散等有挾痰者加南星半

夏之類挾虛者加人參黃芪之類戴氏曰暑有胃有傷有中三

胃與大腸受之惡心者胃口有痰飲以一者胃暑也可用黃連  
香茹飲黃連退熱香茹消水或身熱頭疼燥亂不寧者或身熱  
針刺者以為熱傷在內分也當以解表白虎湯加柴胡氣虛加  
人參或咳嗽發寒熱盜汗出不止脉數者熱在肺經火乘金也  
以為中暑宜用清肺湯柴胡天水散之類急治之可

夏月陽氣盡出於地人之腹屬地氣於此時浮於肌表腹中虛矣

夏月伏陰在內此陰字有虛之義若作陰冷者其誤甚矣前人

治暑有用大順散等劑盡以涼亭水閣寒泉冰雪之傷不用溫

熱病何由安非為伏陰而用也火令之時流金燦石何陰冷之

有孫真人製生脉散令人夏月服之非虛而何抵素古謂夏或

又得之為中熱東垣謂避暑於深堂大厦得之曰中暑大順散  
主之日中勞役得之曰中熱白虎湯主之夫暑熱一也夏冷之  
氣也靜居堂厦而病乃夏月傷冷之病何以中暑名而求利於  
中熱而王安道辨之明矣徒其以中暑各病而用溫熱之藥所  
以世人率胃伏陰在內宜服溫熱而為通世之謬深可嘆也若  
謂夏月陰在內至服溫熱則冬月傷在內亦宜服寒涼之藥乎

一人夏大發熱譫語肢體莫舉喜冷飲脉洪大而數以黃芪茯苓

濃煎如熱者用凉水調服三四次後昏卧如死氣息如常次日

方醒而愈

一人夏發熱大汗惡寒戰慄煩渴此暑病也脉虛微而微其人好



賭致勞而虛以人參作湯調辰砂四苓散八貼而安  
附方

●香薷飲 治一切暑熱腹痛霍亂吐利煩心等證

香薷二斤 厚朴姜制 白扁豆 各半斤

○右剉每服三四錢水煎服 徐氏曰世倍用於暑月中煎飲然氣虛者不可過多蓋厚朴泄氣藥

●黃連香薷湯 前方去扁豆加黃連四兩

●十味香薷飲

香薷一兩 人參 陳皮 白朮 白茯苓 黃芪

白扁豆 木瓜 厚朴 甘草 炙各五

○右剉每服四五錢水煎服

●清暑益氣湯

黃芪 一升 炒蒼朮 各半 升麻 一升 人參 白朮 陳皮

神曲 炒 澤瀉 各五 甘草 炙 黃蘗 酒浸 當歸 青皮

麥門冬 乾葛 各三 五味 九枚

○右剉作一服水煎稍熱服

●白虎湯 治暑熱發渴

石膏 五斤 研○按丹溪云藥之命名亦多有以色名

以時名者以形名者以氣名者以質言者以味名者以能名者

其有膏為能為用以以其質與能而得名者其周密甚於石脂非

考忠妄以方解石為石膏見石膏其味甘而辛本陽明經藥

出明主肌肉其甘也入手大陰手少陽被方解石者止有體重

質堅性寒而巳求其所謂再膏而可為三經之主治者為在

此論本藥之體質氣味主治而人乃多與闕氏一以治者為在



紋理而細然堅硬者又均不似雲母也餘如唐註以下尤紛上不决豈有方藥之後用者即已多失其真耶

知母 二分 甘草 一分

○右剉作一服入粳米一撮水煎加人參一錢半名人參白虎湯

●益元散

一名天水散 一名六一散

治中暑身熱小便不利燥澁分水道實六

府化食毒行積滯逐凝血解煩渴補脾胃降妄行火之要藥也

滑石 六兩

水飛 甘草 一分

○右和勻每服三五錢新水調服

●桂苓甘露飲

桂枝

人參

藿香

茯苓

白朮

甘草

葛根

澤瀉

石膏

寒水石

各一兩

滑石 二兩

木香 一分

○右為末每服三錢白湯調下

●大順散

甘草

乾姜

杏仁

桂

○右先將甘草用白砂炒次入姜却下杏仁炒過篩去砂合

桂為末每服二三錢湯點服

王安道曰大順散本為胃暑伏

谷不分藏府不調所立散乾姜甘草皆經火炒又肉桂而非桂枝蓋溫中藥也內有杏仁不過取其能下氣耳若以此藥治鬱而得之之証吾恐不能解表反增內煩矣

●五苓散

澤瀉 五兩

白朮

赤茯苓

猪苓 各十兩

肉桂 十兩

○右為末每服二錢湯調下本方除桂各四苓散倍加茵陳名茵陳五苓散

●生脉散



人參 麥門冬 五味子 等分 ○右剉水煎

○濕第六

經曰因於濕首如裹蓋首為諸陽之會位高氣清為溫氣薰蒸而沉重似有物以蒙之也失而不治則鬱而為熱又傷血不能養筋綆短而為拘攣溫傷筋不能束骨故小筋弛長而為萎弱矣六氣之中濕熱為病十居八九

濕在上宜微汗而解經曰溫上甚而熱治以苦溫佐以甘辛以汗為効而止也不欲汗多故不用麻黃乾葛等則溫在中下宜利小便以淡滲治溫也一云虛在下宜升提濕有自外入者有自內得者陰雨濕地皆從外入治宜汗散久則疎通滲泄之

蒼朮治濕上下部都可用一云上焦濕用蒼朮其功甚烈

二陳湯加酒苓朮活蒼朮散風行濕最妙

肥人之濕

局方用燥劑為却濕病也濕得燥則豁然而收

○火熱第七

人具五行各一其性惟火也心為君火而又脊相火者寄乎肝腎二藏之間經所謂二火也諸動屬火五者之性感物而動經所謂五火也相火易起五火相扇則妄動矣火起於妄變化莫測無時不有煎熬真陰陰虛則病陰絕則死

陰虛火動者難治戴氏曰脈數而無力者是陰虛

實火可瀉黃連解毒之類虛火可補參朮生甘草之類謂之實者邪氣實也



謂之虛者  
正氣虛也

爵火可發者何經風寒外來者可發  
壯者可降重則從其性升之

凡火盛者不可驟用寒涼又須溫散

火急甚者又緩之生甘草兼瀉蕪煖參木六可

人血氣實火盛癲狂者可用正治或硝水冰水與之虛火盛狂者

以生姜湯與之若服冰水正治立死

補陰則火自降炒黃柏生地黃之類

木通下行瀉小腸火人中白即尿缸灰須風瀉肝火苓連以猪膽

炒去肝膽之火黃柏加細辛瀉膀胱之火青黛能收五藏之味

火玄參能瀉無根之遊火

小便降火極速山梔能降火從小便泄去其性能屈曲下行人所

不知

氣有餘便是火氣從左邊起者肝火也氣從臍下起者陰火也

熱從脚下起入腹者虛之極也蓋火起九泉此病十不救一治法

以四物湯加降火藥服之以附子末窰湧泉穴

●左金丸一名回治肝火

黃連六兩 吳茱萸一兩湯煮少時

○右末粥丸白朮陳皮湯下

●大補丸 治陰火黃柏炒褐色為末粥丸一法水丸

●抑青丸 治肝火黃連姜汁炒為末粥丸溫湯下

●清金丸 治肺火黃芩炒為末水丸溫湯下



石膏研末醋丸菜豆大瀉胃火食積痰火

陰火用四物湯加白馬脛骨降陰中火代苓連用

陰虛發熱用四物湯加黃柏是降火補陰之妙劑甚者加龜板兼

氣虛加參芪白朮

飲酒人發熱者難治不飲酒人因酒發熱者亦難治

輕手按之熱甚重手昭之不甚此熱在肌表宜清之地骨皮麥門

冬竹茹之類

煩燥者氣隨火升也

一人因酒肉發熱用青黛瓜蒌仁姜汁日飲數匙三日愈

一室女六月煩悶欲入井見第八篇

手心熱屬熱鬱用火鬱湯或用梔子香附白芷半夏川芎曲糊丸

附方

●升麻散火湯 治男子婦人四肢發熱筋骨間熱表熱如火燎

於肌膚捫之焙手此病多因血虛而得或胃虛過食冷物鬱遏

陽氣於脾土之中並宜服之

升麻 葛根 獨活 羌活 白芍藥 人參各

甘草炙 柴胡 防風二各 甘草生二

○右剉每服五錢水煎服忌寒涼之物

●三補丸

黃芩 黃連 黃柏 ○右為末水丸

●火鬱湯 治四肢熱五心煩熱伏土中或血虛得之胃虛多食

冷物抑遏陽氣於土中



羌活

升麻

葛根

芍藥

人參

柴胡

甘草

炙各五分

防風

二分

葱白

三寸

○右剉水煎服

●涼膈散

大黃

朴硝

甘草

各一分

連翹

四分

梔子仁

黃芩

薄荷

各一分

○右為末每服二錢加竹葉與蜜些少煎服

●黃連解毒湯

黃連

一分

黃芩

黃柏

各五分

梔子

四枚

○右剉水煎服

●紫雪

治內外煩熱不解口中生瘡狂易叫走解諸熱毒邪熱

小兒驚癇百病

黃芩

兩一分

寒水石

磁石

石膏

滑石

各一分

已上用水一石煮至四斗去渣入下項藥

甘草

炙八兩

青木香

犀角屑

羚羊角屑

沉香

各五兩

丁香

一兩

升麻

玄參

剉細各一斤

已上再煮至一斗五升入下項藥

硝石

二斤芒硝亦可

朴硝

十斤洗淨者

已上入煎藥汁中微火煎柳枝不住手撓候有七斤投放木

盆中半日欲凝入下項藥攪令勻

硃砂

三兩

當門子

一兩二分

○右藥成霜雪紫色每服一錢或二錢冷水調下大人小兒

臨時以意加減並食後服

●瀉白散

治肺熱

桑白皮

地骨皮

各一分

甘草

五分

○右為末服



●滋腎丸 治腎熱

●導赤散 治小腸實熱

生地黃 木通 甘草等分 ○右入竹葉煎

●妙香丸 治時疫傷寒解五毒潮熱積熱及小兒驚百病

巴豆淨肉三百枚 牛黃 片腦 膩粉 射香各七

辰砂九兩 金箔九十片

○右研極細煉蠟六兩入蜜七錢半同煉令勻每兩作三十

丸每服一九小兒菴豆大二九拔萃方無金箔有水銀銅砂治久遠沉積

●瀉心湯 治心熱黃連為末水調服

●瀉青丸 治肝熱

茵歸 龍膽草 川芎 山梔 大黃 麩活

防風 ○右為末蜜丸

●瀉黃散 治脾熱

藿香二斤 山梔一斤 石膏五斤 甘草三兩 防風四兩

○右為末用蜜酒拌畧炒服

○鬱第八

氣血冲和百病不生一脊佛鬱諸病生焉

火鬱發之當看何經經曰木鬱達之謂吐之令條達也曰火鬱發

無壅滯也曰金鬱泄之謂汗之令疎散也曰土鬱奪之謂下之令抑之制其衝逆也此治鬱大法惟諸火所屬不同故曰看何經

鬱有六氣温熱痰血食也

氣鬱戴氏曰胸膈 用香附橫行胸臆間又用 蒼朮撫芎

温鬱戴氏曰周身走痛或閉節 用蒼朮白芷川芎茯苓

痛鬱戴氏曰胸膈 用香附橫行胸臆間又用 蒼朮撫芎



熱鬱戴氏曰昏翳小用山梔青黛香附蒼朮撫芎

痰鬱戴氏曰動則喘用海石香附南星瓜蒌

血鬱戴氏曰四肢無力用菴仁紅苓青黛川芎香附

食鬱戴氏曰愛酸腹飽不能食用香附蒼朮山查神曲硃砂醋炒

諸鬱藥春加防風夏加苦參秋冬加吳茱萸

蒼朮撫芎摠解諸鬱

凡鬱在中焦以蒼朮撫芎開提其氣以升之假令食在氣上氣升則食自降餘倣此

●越鞠丸一名芎解諸鬱

香附 蒼朮 神曲 川芎 梔子

○右末水煑為丸菜豆大溫湯下

一室女因事忤意鬱結在脾半年不食但日食熟菱束數致遇喜食饅頭彈子大深惡粥飯予意氣實非枳實不能散以溫胆湯去竹茹與之數十貼而安

一少婦因大不如意事膈滿不食累月憊甚已午間發熱面赤酉戌退夜小便數而點滴脉沉澹而短重取皆有經水極少此氣不遂而鬱於胃口血亦虛中宮却因食鬱而生痰遂補瀉兼施以參朮各二錢茯苓一錢紅花一豆大帶白陳皮一錢濃煎食

前飲之少頃藥行與粥半匙少頃與神祐丸減輕粉率牛細丸津燕十五丸晝夜二藥各進四服食消進熱退面不赤七日愈

一女許婚後夫經商二年不歸因不食困卧如痴無他病多向裏昧坐以思想氣結也藥難獨治得喜可解不然令其怒脾主思



脾氣結而不食怒屬肝木怒則木氣升發而衝開脾氣也予自往激之大怒而哭至三時許令父母解之與藥一貼即求食矣予曰病雖愈又得喜方已乃給以夫回既而果然病不舉

一室女素強健六月發煩悶困憊不食時欲入戎脉沉細數弱口漸渴醫作暑病治不効又加嘔手心熱喜暗處脉漸伏妄語予制局方妙春丸水下丸半日大便藥已出矣遂以射香水洗藥以針穿三孔水吞半日下稠痰數升得睡漸愈因記金匱方云昔肥而今瘦者痰也

○痰第九

有熱痰有濕痰有食積痰有風痰有老痰熱痰有青黛黃連用青礞石丸最捷

濕痰身多軟而重用蒼朮白朮

溫痰用黃芩香附半夏貝母熱痰加瓜蒌青黛酒痰用瓜蒌青黛蜜丸噙化

●中和丸 治溫痰氣痰

蒼朮 黃芩 半夏 香附 等分

○右末神曲糊丸

燥濕痰南星半夏各一两蛤粉二兩為丸青黛為衣

油炒半夏大治溫痰又治喘心痛粥九姜湯下二十九

食積痰用神曲麥芽山查或化痰丸消積藥攻之氣虛者用補氣

藥送之

風痰用南星白附子



暑痰用海石半夏瓜蒌香附子五倍子

他藥大治頑痰

許學士用蒼朮治痰欬成窠囊行痰極效

即神木丸

痰挾瘀血成窠囊

寒痰用半夏

凝結清冷其狀若寒實非寒也然亦有溫藥者蓋寒因熱用使之為引導而無杆格也

痰之於物隨氣升降無處不到

脉浮當吐痰在膈上又用吐膠固稠濁者又用吐在經絡中非吐

不可吐中就有效散之義

凡吐法宜升提其氣用防風山枝川芎桔梗芽茶生姜之類或就  
以妙藥

吐時先以腰帶繫腰於不通風處行之

吐藥用蘿蔔子半升搗和以漿水一椀查入少油與蜜溫服或用

蝦半斤入醬葱姜等物水煮先吃蝦后吃汁或瓜蒂散等后用

鵝翎以桐油浸以皂角水洗晒乾待用

痰在腸胃間可下而愈

●平胃丹 上可取胸膈之痰下可利腸胃之痰

甘遂

麵裹煮令透晒竹一云麵裹本侵冬七夏三春秋五日

大戟 長流水煮一特洗淨晒乾

芫花

醋伴經宿炒令黑勿焦各一丹

大黃

酒紙裹煨焙乾再以酒潤炒熟一兩半一云二兩

黃柏

炒褐色三丹一云二丹

○右為末粥丸麻子大每服一十九丸溫湯下此藥能損胃氣

惟實者可用

●化痰丸 治痰飲

風化硝

枳實

麩炒

黑丑

各五

白礬

三

皂角

酥炙取

○右末蘿蔔汁丸每服四十九鷄鳴時服初見尿次見痰古



無硝枳實用水  
九而分兩不同

治痰用利藥過多致脾氣下虛則痰反易生而多

虛人中焦有痰胃氣不賴所養卒不可便攻又盡則愈虛

痰在腸下非白芥子不能達痰在四肢非竹瀝不行痰在皮裏膜

外非竹瀝不除氣虛之人有痰非竹不開

痰結核在咽喉燥不能出化痰藥加鹹能軟堅之味瓜蒌仁杏仁

海石桔梗連翹少佐以朴硝以姜汁蜜丸噙之

二陳湯一身之痰都管治痰要藥也欬下行加引下藥欬上行加

引上藥

●潤下丸 降痰最妙一云治

陳皮半斤去白以鹽水拌煮乾晒燥 甘草一尺

○右末蒸餅丸菴豆大每服三五十九溫湯下上熱者加青

金丸溫者加參芪丸詳證作湯使

●青礞石丸 化痰一云治食積去溫痰

風化硝三錢投淨者冬月 茯苓 南星 半夏五

青礞石敲碎煅硝等分 黃芩五

○右為末神曲糊丸梧桐子大每服三五十九此藥重在風

化硝一方加蒼木五外滑石一丹一方無南星有白木姜湯下一方有枳實青蒙石

枳實瀉痰能衝墻壁黃芩治痰假其下火也天花粉大能降上膈

熱痰能降溫痰能燥頑痰能消人

●人中黃飲丸 菴豆大每服二十九白湯下能降陰火清痰治

食積



痰因火盛逆上治火為先白朮黃芩石膏之類久病陰火上升津液生痰不生血宜補血制相火其痰自除  
血傷又用姜汁傳送

久得瀆脉痰飲膠固脉道阻瀆也卒難得開又費調理

痰成塊咯吐不出氣鬱滯者難治

脾虛者清中氣二陳湯加白朮之類兼提藥

實脾土燥脾温是治其本

●導痰湯

半夏四升 南星 陳皮 枳殼 甘草

赤茯苓各一 ○右剉姜水煎服治嗽去半夏

●和膈化痰丸

南星 半夏 蛤粉 貝母治胃膈痰氣最妙 瓜蒌仁

香附 皂角 杏仁

○前六味為末皂角敲碎煎汁搗杏仁如泥再以姜汁和蒸餅丸菜豆大青黛為衣每服五十九丸姜湯下

附方

●二陳湯

陳皮去白 半夏泡五 茯苓去皮 甘草二升 右剉姜水煎服

●袞痰丸 治温熱等痰

大黃酒蒸 黃芩各八 沉香五升 青礞石煅金

○右末水丸梧子大每服五十九丸量病加減多至百丸少至十九食後温水下



●神木丸 治痰飲

蒼朮

一斤泔浸一宿去皮切片為細末

生油麻

五升用水二盞研細取漿

大棗

十五枚煮取肉研放入麻漿拌

○右和九梧子每服五七十九温酒空心下

●竹憲

用淡竹圖經謂肉薄節間有粉者是倍名水竹以其水温處生故名或用雷竹又名早燕竹以其雷動及燕來時即笋故名雖本草不言及然丹溪多用之大抵笋可食者那可用若董即笋竹本草入藥但其味苦難食故多不用也取瀝法將竹截作兩段兩頭去節劈開置炭火上以磚兩逐凍之將竹片閣於其上灸出其瀝兩頭以盤盛之

●荆瀝

用黃荆截作短段灸取同上

●瓜蒂散

瓜蒂炒

赤小豆等分

○右末香豉一合水二盞煮作稀粥去渣三分之一和末一

錢復服之不吐少加得快吐乃止

凡吐時須天氣清明午時已前先令病人隔夜不食卒暴

者不拘若吐不止用麝解藜芦瓜蒂芎白六餅瓜蒂白水甘草搗解

●稀涎散

猪茅皂角

四條去黑皮

白礬一两

○右末每服七八錢温水灌下

一方有綠礬藜芦

●控涎丹

治患胸背手足頸項腰膝隱痛不忍筋骨牽引鈞痛

時又走易乃是痰涎在心膈上交為吐證或手足冷痺氣脉不通誤認痲瘰癧瘰

甘遂去心

紫大戟去皮

白芥子

刘氏曰本草主上痰汗胸膈有痰令益胸有痰非此不達。等分

○右末糊丸梧桐子大每服食後臨臥淡姜湯下五七丸至

十九痰猛加九数一萬名妙應丸即此方驚痰加硃砂痛者



加全蝎酒痰加雄黄全蝎驚氣成塊者加川山甲鱉甲玄胡  
索蓬木臂痺加木鱉子霜桂熱痰加盆硝寒痰加丁香胡椒  
●十枣湯 治懸飲內痛

芫花熬 甘遂 大戟等分

○右末以水一升半煮大枣十枚至八合去查納末藥強人  
一錢弱人五分平旦服之不下更加五分下後以糜粥調之

●三花神祐丸  
劉氏曰芫花之辛以散飲二物之苦以泄水耳遂直  
達水氣所結之處乃泄水之聖藥然有毒不可輕用

十枣湯加牽牛大黃輕粉劉氏曰牽牛大黃大瀉血氣  
之溫熱而輕粉又去涎積也  
○咳嗽第十

大率有風寒有火有勞有痰有肺脹

風寒者戴氏曰鼻塞  
聲惡寒是也主散散行痰二陳湯加麻黃杏仁桔梗之類

風寒鬱熱於肺夜嗽者三拗湯加知母脉大而浮有熱加黃芩生  
寒嗽古方有以生姜切作薄片焙乾為末糯米糊丸芥子大空心

米飲下三十丸

聲啞屬寒寒包熱也  
以言宜細辛半夏生姜三以散之

風入肺久嗽者鴉管石雄黃蔚金欵花為末和艾以生姜一片置

舌上以藥艾於姜上灸之取烟入喉中一方有南星氏耳草無  
蔚金與即烟筒法而少

喘嗽遇冬則發此寒包熱也解表熱自除枳殼桔梗加麻黃防風

陳皮紫蘓木通黃芩嚴寒嗽甚加杏仁去苗芩

感令則嗽隔上有痰二陳加炒枳殼黃芩桔梗蒼朮麻黃木通生



丹溪心法  
大者戴氏曰有聲痰主降火清金化痰苗參海石瓜蒌青黛桔梗  
半夏香附柯子青皮之類

乾欬嗽者係火鬱之甚難治乃痰鬱火邪在肺中用苦梗以開之  
下用補陰降火不已則成勞須行倒倉法以証多是不待志者  
有之

有痰因火逆上者又先治其火然亦看痰火孰急若痰急則先治  
痰也

勞者戴氏曰盜汗出者主補陰青金四物加竹瀝姜汁

陰虛火動而嗽四物加二陳順而下之加黃柏知母

陰虛喘嗽或吐紅者四物加知母黃柏五味人參麥門冬桑白皮  
地骨皮

好色之人元氣虛欬嗽不愈瓊玉膏

肺虛甚者人參膏以生姜陳皮佐之有痰加痰藥以好色腎虛者

有之腎虛則水失所養不能制火火寡于畏而

久嗽勞嗽用貝母知母各一兩以巴豆同炒黃色去巴豆再用白

礬白芨各一兩為末以生姜一片蘸藥睡時噙化藥盡嚼姜

欬嗽聲斯者乃血虛受熱用青黛蛤粉蜜調服之醫說內一方治

瓦上炒通酒下青黛少許以

痰者戴氏曰炒動有痰主豁痰

痰嗽用半夏瓜蒌各五兩貝母桔梗各二兩知母一兩枳殼一兩

半為末生姜汁蒸餅為糊丸服

一方黃芩二兩半酒洗白芥子去滑石各五錢貝母南星各一錢風化



研二錢半蒸餅丸青黛為衣

痰多喘嗽用白朮半夏蒼朮香附子杏仁各一兩黃芩五錢為末  
姜汁糊丸

痰嗽因酒傷肺瓜蒌杏仁俱搗為泥黃連為末以竹瀝入紫蘊葉煎再

入韭汁調丸服一方用青黛瓜蒌蜜丸噙化以救肺

久嗽有因積痰留肺腕中如膠氣不能升降或挾濕與酒而作葛

根童便姜蚕炒海粉瓜蒌仁蜂房杏仁神曲為末姜汁竹瀝調

噙化

痰嗽氣急蒼朮三兩蒞一兩伍錢蘿蔔子蒸杏仁瓜蒌仁半夏各

一兩黃芩茯苓各五錢川芎三錢嗽而有痰灸天突穴在胃橫

咽腕中灸七壯肺腧二穴在三椎骨下泄火熱瀉肺氣

食積痰嗽熟半夏南星為君瓜蒌蘿蔔子為臣青黛海石石黃

為使

食積痰嗽三補加二母炒為末丸如椒子大以竹瀝藕汁吞之

肺脹者戴氏曰動則喘滿主收斂

肺因火傷極遂成鬱遏脹滿用柯子為主佐以海粉香附青黛杏

仁之類

肺脹鬱遏不得眠者難治

凡嗽春是春升之氣夏是火炎上最重秋是溫熱傷肺冬是風寒

外束用藥發散之後又以半夏等藥逐去其痰庶不再來

早晨嗽多者以胃中有食積至晝時火氣流入肺中以知母地骨

皮降肺火上半日嗽多者胃中有火貝母石膏降之午後嗽多



者屬陰虛四物加知母黃柏先降其火黃昏嗽多者火氣浮於肺不宜用涼劑以五味子五倍子飲而降之

嗽而脇痛宜以青皮疎肝氣青皮等藥中用後以二陳湯加南星香附

青黛姜汁一云實者白芥子之類

嗽而心煩不一散加辰砂

嗽而失聲潤肺散訶子五味子五倍子黃芩甘草等分為末蜜丸

噲化

嗽而無聲有痰半夏白木五味子防風枳殼甘草有聲無痰生姜

杏仁升麻五味防風桔梗甘草有聲有痰白木半夏五味防風

如不愈加枳殼阿膠

寒熱交作而痰嗽者小柴胡湯加知母之類一方加白芍藥五味

子桑白皮

陰氣在下陽氣在上咳嗽嘔吐喘促瀉白湯加青皮五味人參茯

苓杭米

熱嗽胃滿小陷胃湯

治嗽劫藥五味子五錢甘草二錢半五倍子風化硝各一錢為末

蜜丸噲化或用訶子百藥煎京芥穗蜜丸噲化

嗽最要分肺虛實若肺虛久嗽宜五味欵花紫苑馬兜苓之類補

之若肺實有邪宜黃芩天花粉桑白皮杏仁之類瀉之治嗽用

子東垣之法然驟用之恐開住其和火先發散之或兼用

嗽用訶子味酸苦有收斂降火之功五味收肺氣乃火熱又用之

劑杏仁散肺氣風熱然性實有熱因於寒者為宜桑白皮瀉肺



氣然性不純良用之多者膏戒或用馬兜苓以其去肺熱補肺也多用生姜以其辛能蕪散也瓜蒌甘能補肺潤能降藥胃有痰者以肺受火逼失降下之令今得甘緩潤下之助則痰自降宜其為治嗽要藥也

人患欬惡風寒胸痞滿口稍乾心微痛脉浮緊而數左大右蓋表盛裏虛聞其素嗜酒肉有積后因行房涉寒冒雨忍飢繼以飽食先以人參四錢麻黃連根節一錢半或云以丹溪神方與二三貼嗽止寒除改用厚朴枳實青皮陳皮瓜蒌半夏為丸與二十服參湯送下痞除

人患乾咳嗽聲啞用人參橘紅各一錢半白朮二錢半夏曲一錢茯苓桑白皮天門冬各七分甘草青皮各三分五貼后去青皮五味三

十粒知母地骨皮瓜蒌子桔梗各五分作一貼入姜煎夏加黃芩五分仍與四物入童便竹瀝姜汁并炒黃蘗二藥晝夜相間服兩月聲出而愈

一壯年人患啞咯血又一壯年因勞患嗽俱詳見五十三篇

附方

●瓊玉膏

生地黄四斤白蜜三斤白茯苓十三兩人參六兩

○右以地黃搗汁和蜜以參苓為末拌入蜜汁用瓶貯以紙箬包其口用葉柴火蒸煮三晝夜取蠟再換蠟紙包封十數重沉井底一晝夜取起再如前蒸煮一日白湯點服須於雞犬不聞處製之



●九仙散 治一切咳嗽

人參 欵花 桑白皮 桔梗 五味 阿膠

烏梅各一 貝母五 御米殼八兩去頂 〇右剉水煎服

●三拗湯

麻黃根節 甘草生 杏仁皮尖

〇右剉每服五錢姜五片枣二枚水煎服取痰清乃止

〇哮喘第十一

專生痰痰宜用吐法亦有虛而不可吐者

治哮喘又使薄滋味不可純用涼藥又兼散表

●紫金丹 治哮喘猪肉二斤細切散子大砒一兩為細末拌勻

分作六分紙筋泥包火烘乾於無人處炭火煨令清烟盡放地

上二宿取出為末湯浸蒸餅丸菴豆大大人二十九小兒十九

清茶下看虛實

一方用雞子略敲殼不要損膜浸尿缸中三四日夜者食之蓋雞

子能去風痰故也

一法小胃丹以二陳湯加蒼朮黃芩作湯送下看虛實

一方以訶子為末白芥子蒸熟搗丸服之

●千金丸 治哮喘遇厚味發者用之蘿蔔子淘淨蒸熟晒乾為

末姜汁浸蒸餅為細丸每服三十粒津下

〇喘第十二

喘急者氣為火所鬱而為痰在肺胃也

有痰者有火炎者有陰虛自小腹下火起而上逆者有氣虛而致



氣短者戴氏曰痰者凡喘便有痰声火炎者乍進乍退得食則稠痰喘即止稍久食已則胃反助其火痰再升上喘反大作俗不知以作胃虛實以燥熱之藥以火濟火也昔葉都督患以此諸醫作胃虛治之不愈后以導水丸利五六次而安氣短喘急者呼吸急促而無痰声又有胃虛喘者擗肩頓肚喘而不休痰者降痰化氣為主

火炎者降心火清肺金

陰虛痰喘者補陰降火四物湯加枳殼半夏一方陰虛氣喘四物降氣補陰白芍藥酒用酒浸晒乾忌火

氣虛者參芪補之

凡久喘未發時以扶正氣為主已發以攻邪為主  
喘急甚者不可用苦寒藥火盛故也宜溫劫之后因痰治痰因火治火

● 干縉湯 治痰喘不能卧人扶而坐數日一服而安

半夏七個炮製四片破之

甘草一寸

南星一分

皂莢一寸灸去皮弦子

○ 右剉加生姜一指大水煎一方加雄黃無甘草大治痰

一方用導痰湯合干縉湯

一方用椒目為末每服一二錢姜湯調下

一方蘿蔔子二兩蒸熟皂角燒炭五錢瓜蒌仁海粉南星用白礬入水浸各一兩為末煉蜜丸喻化一方無南星之燥乾

一方用南星半夏瓜蒌香附橘紅蘿蔔子皂角灰青黛為末神曲糊丸姜湯下一方有杏仁已上方類皆劫藥也

喘用阿膠宜分虛實若久病發喘又是肺虛故用阿膠人參五味之類補之若新病氣實而喘者宜桑白皮葶藶瀉之



氣實人因服黃芪過多而喘者用三拗湯瀉之

新編丹溪朱先生醫書纂要卷之二

●瘧第十三

有暑有風有濕有痰有食

要略謂瘧脉自弦又

數多熱弦遲多寒亦有病久其脉極虛微而

無力似乎不弦者然於虛微之中見弦但不搏手耳

機要謂在太陽經為寒瘧治多汗之陽明經為熱瘧治多下之少

陽經為風瘧

或曰寒熱瘧

治多和之此三陽受病謂之暴瘧發在夏

至后處暑前乃傷之淺者在三陰經則摠謂之濕瘧發在處暑

后冬至前乃傷之重者此說良是其三陰經瘧在於子午卯酉

日者少陰瘧在於寅申巳亥日者厥陰瘧在於辰戌丑未日者

太陰瘧也



三日一發者受病一年即三陰間日一發者受病半年一日一發者受病一月二日連發住一日者氣血俱受病

倍云脾實乃因名而迷其實也苟因飲食所傷而得之未又是寒况其他乎

暑瘧宜人參白虎湯之類

有痰者二陳加草果恒山柴胡黃芩

不食者又從飲食上得之當以食治

虛者又用參朮一二貼托住其氣不使下陷後用他藥

無汗要有汗散邪為主帶補有汗要無汗扶正氣為主帶散邪

數發之後便宜截而除之久則發得中氣虛弱病邪愈深而難治

世有砒丹等截藥大毒不可輕用

大渴大熱用小柴胡去半夏加知母麥門冬黃連

渴用生地黃麥門冬天花粉牛膝知母黃柏炒乾葛生甘草

久瘧二陳湯加川芎蒼朮柴胡乾葛白朮一補一發

甚者發寒熱頭痛如破渴而飲水多汗可與參芪苓連梔芎二朮

半夏等治之

痰滯胸滿熱多寒少大便燥實大柴胡湯

久瘧不得汗以二陳湯倍蒼朮白朮加檳榔

小兒瘧疾有痞塊生地黃芍藥各一錢半陳皮川芎黃芩炒半夏

各一錢甘草二分加生姜煎調鱉醋炙末

瘧母用九藥消尊鱉甲為君三稜蓬木香附並醋煮海粉青皮薤仁

紅花神曲麥芽隨證加減為丸



老瘧係風暑入陰在藏宜用血藥引出陽分而散川芎撫芎紅花  
當歸蒼白朮白芷黃柏甘草煎露天一宿服之

瘧瘧老瘧也三日一發陰受病也夫瘧得於暑當以汗解或處涼  
冷汗不得泄鬱而成痰又復嗜慾縱恣輕試劫藥胃氣大傷其  
病難愈又先與參朮陳皮芍藥等劑輔以本經之藥若得汗而  
體虛又須重補俟汗通身下過委中方是佳兆仍淡飲食避風  
冷遠房勞無不愈者

●常山飲 截瘧

川常山 草果 枳郎 知母 甘草炙

烏毒 穿山甲 炮

○右剉水酒各一鍾煎至一鍾露天一宿發前二時溫服如

吐則順之小柴胡加常山二錢亦妙

●清蒿丸 截瘧

青蒿 一斤 冬瓜葉 官桂 馬鞭草 各二兩

○右末發丸如胡椒大每一兩分作四服臨發前一二時盡服之

常山性暴悍善驅逐能傷真氣病人稍虛瘧者勿用

一人形壯體厚得瘧瘧用劫藥屢止屢作僅一年知其痰少惟胃  
氣未完天寒欠汗以白朮粥丸空腹熱湯下二百丸盡二斤大  
汗而愈

一人形色俱實患瘧瘧而且痢自恃強健能食但若汗出予曰瘧  
非汗不愈可慮能食耳此非痢也胃熱善消脾病不化食積與



病勢甚矣宜謹節以養胃氣避風寒俟汗透而安不從所言而

死原論不守及禁忌及此

一婦病瘡三日一發食少經不行已三月脉無時冬寒諫作虛寒治以四物湯加附子茱萸神曲丸服疑誤再診見其梳洗言動如常知果誤也經不行非無血為痰所礙脉無非血氣衰乃積痰生熱結伏其脉而不見耳當作實熱治與三花丸旬日后食進脉出帶微弦予謂胃氣既全不用藥瘡當自愈而經行也令其淡滋味果應

一人作勞發瘡醫與瘡藥三發交為發熱舌短痰吼脉洪數似滑與獨參湯加竹瀝三服吐膏痰三塊語濁服參芪湯半月全愈一少婦身小味厚瘡瘡月餘間日發於申酉頭與身痛寒多喜食

熱辣湯脉伏面滲晦作實熱痰治之以十束湯為末粥丸黍米

犬服十粒津燕只三次令淡飯半月后大汗而愈

一人性急酒色味厚適多憂如思久瘡忽大熱下一臭積大孔痛陷下此大虛也弦脉大而浮以瓦磨如錢圓燒紅童便淬急取以紙裹於痛處恐寒乘虛而入也以參歸陳皮煎服淡味半月而安

附方

●温脾散 治瘡多時不瘡者用

紫河車

即今綿虫類

菜豆

各一

生甘草

五

砒

一分五

右末每服五分發前一日夜深新河水調服十歲者減半再幼又減孕婦不用忌葷腥生冷酒麪三日但至心合服此藥並不吐雖砒有毒有三味解得



●截瘧丹

雄黃 一丸 人參 五分

右末端午日用粽子為丸梧桐子大每服一九發日早服宜  
面東井花水吞之忌諸熱味

○癩亂第十四

脉多伏或絕經曰脉者霍亂

內有所積外有所感陽不升陰不降乖隔而成

非因鬼邪皆因飲食此前人確論已上二條論霍亂所因考之三

利寒熱頭痛眩暈先心痛則先吐先腹痛則先利心腹卒痛吐利並作甚則轉筋入腹則弊益陰陽反戾痞隔清濁相干上下奔逆治之唯宜溫暖更詳所因調之因風則惡風有汗因寒則惡寒無汗溫則重着暑則熱煩以此外因所致元氣不足鬱結痰飲痞隔備問隨其腸腹而作以此內因所正其或飽食恣飲腸腹停凝而發此不外因也蓋與此論相合而且備因併及之

切勿與穀食雖米湯飲之立死又待吐瀉過一二時飢甚方可與

稀粥

又法生姜理中湯最好河間謂不飲水者理中湯熱多欲飲水者五苓散

有宜吐者雖已自吐利還須吐以提其氣用二陳湯探吐或樟木

煎湯吐亦可鹽湯白礬湯皆可

一方蒼朮厚朴陳皮葛根各一錢半滑石三錢白朮二錢木通一

錢甘草炙煎服或用姜湯下保和丸四十粒

轉筋屬血熱四物加酒芩紅花蒼朮南星

轉筋男子以手挽其陰女子以手牽其乳此兩旁以千金妙法也

乾霍亂吐忽然心腹脹滿胸意絞制痛欲吐不利者是也倍謂之絞腸痧是難治死在須臾升

降不通故也吐提其氣最是良法



內有物所傷外有邪氣所遏大法宜發汗有用吐法者則兼發散之藥有用溫藥解散者二陳加川芎蒼朮防風白芷等解散藥

委中出血

委中胸中央約文中動脈

●六和湯 治霍亂

砂仁 半夏 杏仁 人參 甘草 藿香

赤茯苓 白扁豆 姜汁 木瓜 各二 香茹 厚朴 姜製

右剉每一兩姜三片束一枚同煎服

●灸法 治霍亂已死腹中有暖氣者鹽納中灸七壯

●洗法 治霍亂轉筋蓼一把去兩頭水煮薰洗鹽湯亦可

○瀉第十五

泄瀉屬溫屬氣虛有火有痰有食積 戴氏曰孔瀉水腹不住一孔

者氣虛也腹疼渴二多疼虛一陣疼渴二多疼虛一陣  
者火也或瀉或不瀉或多或少者痰也腹疼甚而瀉又后疼減  
積也

燥溫四苓散加一朮 炒

氣虛參朮芍藥升麻

火宜伐火利小水黃芩水通入四苓散

痰宜豁痰海石青黛黃芩神曲蛤粉或用吐法

食積宜消導疎滌之神曲大黃

有氣陷下者宜升提之升麻防風

水瀉用蒼朮厚朴陳皮炒曲茯苓澤瀉地榆甘草冬加乾姜等分



瀉水多者仍須五苓散 ○夏月水瀉桂苓甘露飲

治瀉諸藥多作丸服之 ○脾胃不和

世倍類用瀝藥治瀉若積久而虛者或可若初得者又及他證為禍不小殊不知多因于溫惟分利小水為上策

●清六九 治瀉

六一散七月 紅麴五 右末為丸

●溫六九 治瀉或嘔吐者

六一散加乾姜或生姜汁亦可

止瀉用肉豆蔻五錢滑石春冬一兩二錢五分夏二兩五錢秋一兩以姜曲糊丸服之

●童曲丸

陳麴六兩陳 茴香五 生姜一 右丸服

治脾泄用白朮神曲芍藥並丸服冬加肉豆蔻去芍藥

一老人右手風痺患泄瀉百藥不效左手脉浮滑洪數此太陰有積痰肺氣擁遏不能下降大腸虛而作泄當清上焦用蘿蔔子

橘和漿水蜜探吐大塊膠痰梳許隨愈

富兒面黃善啖易飢非肉不食泄瀉一月脉大以為溫熱當脾困

面食少今反形健布多食不渴此火疳虫也大便秘果有虫令其

治虫而愈至次年夏初復瀉不痛而口乾予曰昔治虫不治疳

故也以去疳熱之藥白朮湯下三日而愈後用白朮為君芍藥

為臣川芎陳皮黃芩胡黃連入芦會為丸白朮湯下禁肉與甜

瓜防再舉



老人味厚傷脾常脾泄芍藥酒炒白朮各二兩山查神曲各一两五錢黃芩五錢並炒半夏一两為末荷葉煨飯丸

老人稟厚形瘦夏末患瀉利至秋深治不愈神不悴溺瀝少不赤脉瀝頗弦膈微悶食減因悟曰又多年沉積僻在腸胃胸之增鯉魚三年無一日缺予曰此痰積在肺又為大腸之藏宜大腸之不固也當澄其源而流自清以茱萸陳皮青葱蕪草根生姜濃煎和砂糖飲一碗探吐痰半升如膠利減卒又飲之利止與平胃散加白朮黃連調理

人性狡燥素患下痢瘡或住或止夏初患自利膈微悶醫與理中湯悶厥而甦脉瀼重取畧弦而數予曰此下痢之深重者與芩歸龍會丸去麝四貼而利減又與小柴胡湯去半夏加黃連芍藥川芎生姜數貼而安

附方

劉草窓治痛瀉要方

白朮炒三兩白芍藥炒二兩

陳皮炒一兩防風一兩

右剉作八服水煎或丸服久瀉加升麻六錢

○痢第十六

仲景以瀉痢滯下衄同論治故歷代諸書或言滯下或言利或言瀉痢命各定例甚無歸一茲以下水穀者為瀉下滯血者為痢庶為明白其方論亦從而別之矣

仲景治痢之法至為詳密但以瀉利滯下衄同論治學者辨之

劉河間發明滯下證治尤為切要有行血則便自安調氣則後重自徐之語實育者之日月聾者之雷霆也按原病式所論蓋以痢為溫熱甚於腸胃



沸鬱而成其病皆熱倍以有白為寒講也如熱生瘧毒然出白  
 膿可以白為寒乎陰陽水火一高則二下一盛則一衰若以白  
 為寒赤為熱也則兼赤白者乃寒熱俱甚而同為病也况下治  
 瘧痛不便赤歷而痢白者又多有之為熱明矣但有辛熱  
 而愈者蓋辛主發散熱主出行故病故者則鬱造結開通氣和  
 而死矣故治痢者又用寒以勝熱若以燥溫微加辛熱佐之  
 為發散開通之用如以固無不効者何又用熱毒之藥而謾勞  
 致險也耶若其治方則保命集所用黃芩芍藥湯之類是也

仲景治痢可下者率用承氣加減下之大黃之寒其性善走佐以  
 厚朴之溫善行滯氣緩以甘草之甘飲以湯液灌滌腸胃滋潤  
 輕快積行即止局方用砒丹巴兩類聚成丸其氣凶暴其體重  
 滯積氣已行而毒氣未過猶暴賊兵刃使之徘徊瞻顧於堂與  
 之間縱有愈病之功而腸胃清純之氣寧無損傷之患乎可溫  
 者乃用姜附溫之局方類用熱藥為主瀝藥為佐用之於下利  
 清白者猶可其裏急後重經所謂下迫者皆屬火熱所為加以

瀝熱非殺而何

痢赤屬血自小腸來白屬氣自大腸來皆溫熱為本

初得一二日間元氣未虛又推蕩之此通用之法用大承氣湯調  
 胃承氣湯下後看其氣病血病而用藥氣用參朮血用四物痢  
 五日后不可下脾胃虛氣故也壯實者亦可下

腹痛以白芍藥甘草為君當歸白朮為佐惡寒者加桂惡熱者加  
 黃栢

腹痛因肺金之氣鬱在大腸之間以苦梗蕩之一云實者可下虛則苦梗開之也

後用痢藥

初下痢腹痛者用溫藥姜桂之屬不可用參朮氣虛胃虛皆不用  
 後重者積與氣垂下之故當利氣兼升用升兼消木香檳榔丸及



保和之類甚者用大黃

身熱挾外感者不惡寒用小柴胡去參熟惡寒身首痛此為表

證宜微汗和解用蒼朮川芎陳皮芍藥甘草生姜

燥熱不止者屬陰虛用寒涼藥又兼升藥溫藥

大孔痛因熱流于下木香檳榔芩連加炒乾姜

仲景法治大孔痛一曰溫之二曰清之若冬病身冷自汗脈沉小

宜溫暴病身熱脈洪宜清

下血者宜涼血當歸芩仁黃芩之類或用朴硝有風邪下陷宜升

提之蓋風傷肝又主血故也有溫傷血宜行溫清熱

清六九治血痢此方溫六九治痢

一方治熱痢與血痢用大黃黃連黃栢枳殼白芍藥當歸滑石甘

草薤仁白朮等分神曲糊丸如梧桐子大每服五六十丸治痢

下墜異常積中有紫黑血而又痛甚者此為死血用薤仁細研及

滑石行之

血痢久不愈者屬陰虛四物為之

先水瀉後膿血此脾傳腎賊邪難愈先膿血後水瀉此腎傳脾微

和易治

痢如豆汁者溫也蓋脾胃為水穀之海無物不受常兼四藏故有

如五色之相染當先通利此迎而奪之之義如虛宜審之

古方用厚朴為瀉疑滯之氣稍行即去之枳殼少緩六不宜久服

只用陳皮以和諸藥

力倦氣少惡食此挾虛證宜加附子當歸身尾甚者加人參及陳



皮補之虛回而痢自止

久痢脉虛氣弱滑泄不止必當以藥瀝之訶子肉豆蔻白礬半夏

牡礪之類擇用之然須以陳皮為佐恐大瀝亦能作疼又甚者

灸天樞穴在臍旁各開二寸氣海穴在臍下一寸半

●固腸丸 治溫氣下痢大便血去腸胃陳積之候用此以燥下

溫不單用看病旋佐湯使

檮根白皮炒為末糊丸

痢已減十之七八積已盡糟粕末實用芍藥白木並炒甘草炙陳皮

茯苓煎湯下固腸丸三十粒此丸性燥有去溫實腸之功若滯

氣不盡者不可遞用

痢後糟粕末實或食稍多或飢甚方食腹中作痛者以白木陳皮

等分煎服和之

集行血和積少但虛坐努責為無血倍歸身尾以芍藥生地黃苑

仁佐之以陳皮和之血生自安

痢後脚弱漸細蒼木二兩白芍藥龜板各二兩半黃栢五錢粥糊

一丸以四物湯加陳皮甘草煎湯送下

噤口痢胃口熱甚故也用黃連人參煎汁終日呷之如吐再喫但

得一呷下咽便好又用田螺搗窰臍中以引下其熱胃口熱結

尚開以降之人不知此多用溫藥甘木以火濟火以滯益滯也

六有誤服熱毒之藥犯胃者當推明而徹其毒

衆有時疫作痢傳染相似此却宜明運氣之勝仗以治之

一小兒八歲下痢純血以食積治蒼白木黃芩白芍藥滑石茯苓



甘草陳皮神曲炒煎下保和丸

小兒痢疾黃連黃芩大黃甘草煎服赤加菀仁紅花白加滑石

下痢純血者如塵腐色者如屋漏者大孔如竹个者唇如朱紅者

俱死如魚腦者身熱脉大者俱半死半生經謂身熱則死寒則生脉經謂脉沉小雷

連者生數疾且大有熱者死嚴氏謂脉宜滑大若弦急者死其謂生死亦言其大腎耳及兼脉証詳之可也

一人患痢後甚逼迫心合承氣証予曰氣証予曰氣口脉虛形雖

實而面黃白又平昔過飽胃傷遂與參朮陳皮芍藥十餘貼三

日原論胃傷勿後胃氣稍完與承氣湯二貼而安若不先補雖愈未免瘦弱

原論胃傷勿

一人患痢善食易飢予曰當調補自養豈可恣味戕賊令用熟蘿

蔔喫粥調理而安原論宜守

一人患痢久不愈脉沉細弦促右為甚下清涕有紫黑血絲予曰

此瘀血痢也凡飽食後疾走或極力叫號跌多受疼痛大怒

不泄補寒太過火酒火肉皆致此病此人以非罪受責故也乃

以乳香沒藥菀仁滑石佐以木香檳榔神曲糊丸米湯下百丸

再服大下穢物如爛魚腸二三升愈此方每用之不加大黃則難下

若人面白脉弦數獨胃脉沉滑因飲白酒作痢下淡水膿血腹痛

小便不利裏急后重參朮為君甘草滑石檳榔木香蒼朮為佐

使下保和丸二十粒次日前證俱減獨小便未利以益元散服

一人飲水過多腹脹瀉痢帶白用蒼白朮厚朴茯苓滑石煎湯下

保和丸

一人久瘧下臭積大孔痛詳見十



一人患痢腹微痛所下褐色後重頻併食減或微熱脉弦濇似數而長喜不浮大神氣大減予曰此憂慮所致心血虧脾氣弱耳以參朮為君歸身陳皮為臣川芎白芍藥茯苓為佐使時熱少加黃連二日安

一壯年奉養厚夏秋患痢腸大痛或令單煮乾姜與一貼痛定屢痛屢與屢定八日服乾姜三片脉弦而稍大似數予曰又醉飽後喫寒涼大過當作虛寒治之因乾姜多以四物湯去地黃加參朮陳皮酒紅花茯苓杏仁煎入姜汁飲之一月安

一婦秋患痢腸隱痛夜重於日不睡食減口乾不飲已得靈砂二貼矣脉皆濇不均備甚用四物湯倍白朮為君陳皮佐之十貼愈

一人年五十質弱多怒暑月因大怒后患痢口渴自飲蜜水病緩數日後脉稍大不數予令以參朮湯調益元散飲之痢減數日後倦甚效逆知其夕下陰虛令守前藥痢尚未止以煉蜜與之衆欲用姜附子謂陰虛服之必死待前藥力到自愈又四日效逆止痢除

附方

●黃芩芍藥湯

黃芩

芍藥

各一

甘草

五分

右剉每服五錢水煎服如痛則加桂少許

●芍藥湯

芍藥

當歸

黃芩

黃連

各五

甘草

炙



檳榔 木香各二 桂二 大黃二

右剉每服五錢水煎食后温服如痢不減加大黃以方除生

甘草名導氣湯治下痢膿血裏急後重腹痛作渴日夜無度

●香連丸 治下痢赤白膿血相雜裏急後重

黃連二十兩用茱萸二兩同炒赤色去茱萸 木香四月八分

右為末醋糊丸梧子大每服二十九米飲下一方加蓮肉

●大黃湯 治泄痢久不愈膿血稠粘裏急後重日夜無度

大黃 一兩

右剉用好酒二大盞浸半日煎至一盞半去大黃將酒作二

服頓飲之如痢未止再服後以芍藥湯和之再服黃芩芍藥

湯以徹其毒此蕩滌和熱之藥用酒煎者欲其上至頂顛外

徹皮毛也

●劉草窓治虛弱患痢方

人參三 白朮二 神曲炒七 升麻五 蒼朮一

白茯苓二 芍藥炒一

右剉作一服水煎下重者加木香三分檳榔七分黃連炒六

分澤瀉六分甘草五分 防風當歸酒各一 滑石炒五 分

○嘔吐第十七 附惡心

有聲有物謂之嘔吐有聲無物謂之噦孫真人又誤以噦為欬

王海藏曰吐者有物無声血病噦者無物有聲氣病嘔者有物有聲血俱病分嘔吐為二者以其原病之不同以時明噦之味

嘔故嘔吐不分也

分氣血多少而治



河間謂嘔為火氣炎上持一端耳有痰隔中焦食不得下者有氣道者有寒氣鬱於胃口者但因火與痰者為多

朱奏議以半夏生姜陳皮為主

胃中有熱膈上有痰二陳加炒梔子黃連生姜

凡病欲吐者切不可下逆之也

久病嘔者胃氣弱不納穀也生姜人參黃芪白木香附

肝火出胃逆上嘔吐柳青丸

夏月嘔吐不止五苓散加姜汁

吐蟲而嘔用黑鉛砂成灰換柳末米湯飲調服

惡心有熱有痰冷痰有虛皆用生姜隨證用藥

胃中有熱者二陳加芩連並姜汁炒各一錢最妙

○噎膈第十八

大率屬血虛氣虛有熱有痰戴氏曰氣虛者脈又絲而無力血虛者脈又散而無力痰者寸關脈沉或

伏而大有氣滯結者寸關脈沉而濇也

噎病生於血乾血陰也陰主靜內外兩靜則藏府之大不起而金

水二氣有養陰血自生腸胃津液傳化合宜何噎之有

血液俱耗胃脘乾稿其稿在上而近咽之下水飲可行食物難入

或可少食名之曰噎其稿在下而與胃相近食雖可入難盡入

胃良久復出名之曰膈又曰反胃名雖不同病出一體

病之初起因內傷外感而致痞痛噫酸糟雜等証醫者率用局方

辛香燥熱之劑劫之而愈復作復劫延蔓之久而成噎膈展轉

深痛良可哀憫



張雞峯曰噎噎當是神思間病惟內觀自養可以治之此言深中情  
糞如羊屎者不治大腸無血故也年高者不治戴氏曰氣血俱虛者口中多出沫

見洙大出者又死

治法用童便韭汁竹瀝姜汁牛羊乳一本有氣虛入四君子血虛

入四物切不可用香燥藥宜泊滋味

一法用黃連三錢姜汁炒山查二錢保和丸二錢同為末糊丸麻子

大臙脂坯為衣人參湯入竹瀝下六十丸

一法用馬利兒即野甜瓜味帶酸黃時香其皮肉色味一似家明利瓜如雞子大而畧小藤類瓜北方多有之

一法用茱萸黃連瓜蒌牛轉草

一法用韭汁二兩牛乳一盞生姜半兩頓服神効

有氣結者用開導之劑有陰火炎上者作陰火治有積血者當消

息去之韭汁能下膈中瘀血

一中年婦人反胃以四物湯加帶白陳皮雷尖菔仁生甘草酒紅

花濃煎入馱尿以防生蟲子數十貼而安

一人勤勞而有艾妻且喜酒病反胃半年脉濇不均重取大而無

力便燥面白形瘦精血耗故也取新温牛乳細飲之每次盡二

杯晝夜五七次漸至八九次半月便潤月餘而安然或口乾益

酒毒未解間飲以甘蔗汁少許一云先與蔗汁煎使君子湯加附子大黃飲之大便消潤乃以

牛乳飲之一月而安

一人年四十病反胃二月不喜飲食或不吐或吐迺裹食出得吐

則快脉濇重取弦大因多服金石房中藥所致時秋熱以竹瀝

御米為粥二三啜而止頻與之遂不吐后以流水煮粥少入竹



丹溪醫案卷一 卷一 十一  
瀝與之間以四物湯加陳皮益其血

一人咽膈間常覺有物閉又飲食妨碍脉澹稍沉形色如常予作

曾飲熱酒所致遂以生韭汁每服半盞日三服至二斤而愈

一人不能頓食喜頻食一日忽咽膈壅塞大便燥結脉澀以真蘇

脉喜其形瘦而色紫黑病見乎冬却有生意以四物湯加白木

陳皮濃煎入菀仁十二粒研再煎沸飲之更多食諸般血以助

藥三十貼而知至五十貼而便潤七十貼而進食百貼而愈

一人食又屈曲下膈硬瀝微痛脉右甚濇而關沉在却和此汚人

在胃脘之口氣因鬱而為痰又食物所致詢其去臘日飲剗剗

酒三盞遂以韭汁半盞冷飲細呷之盡半斤而愈滯血致病而

匣脉應之乃  
壹漏之漸也

方戶人參以補肺御米以解毒竹瀝以清痰乾姜以養血粟米

以實胃密以潤燥姜以去穢有寒者又為當時有突因於寒者

用之得效不以局方泛論便凡有此證率用之也挾寒者間或

有之今人率因痰氣久誤於醫付變而成其無寒也明矣

○效逆第十九

內經及傷寒論本謂之效逆人以其氣逆所作之聲呼之  
曰哥於八反又曰飡受墨反后代諸書因有謂之吃逆或  
吃忒者而丹溪仍之然吃音吉言蹇也東坡吃語詩  
之吃是也其於此病音又遠矣故今改為效逆焉

有痰有氣虛有陰火

效逆氣逆也氣自脐下直衝上出于口而作聲之名也經曰諸逆

上属火古方言胃弱而不及火以丁香柿蒂竹茹陳皮治之未

審孰為降火孰為補鹿人之陰氣依胃為養胃土傷損則木悔



之陰為火所乘不得內守木枝相火故道衝清道而上言胃弱者陰弱也虛之甚也

視不足治之有餘延痰者吐之人參芩之類不足者人參白朮湯下大補丸

痰用陳皮半夏氣虛參朮陰火黃連滑石黃蘗

欬逆自利滑石甘草黃柏白芍藥人參白朮陳皮加作瀝

一人年五十因怒患痢疾欬逆詳見十六篇

一老人冬喘新秋患痢數日欬逆作脉豁大以其形瘦可治用參

朮湯下大補丸以補血而安

一女子性燥味厚暑月因大怒而欬逆作舉身跳動神昏視其

形氣突一云膈上有痰怒氣連鬱疼熱相傳氣不降非吐不可以人參芩煎飲大吐而

數椀大吐昏睡一日而安人參入手太陰補陽中之陰芩則反

是大瀉太陰之陽女子暴怒氣上肝主怒肺主氣怒則氣逆肝

水乘火侮肺故欬逆而神昏今痰盡氣降火衰金氣復位胃氣

得和而解

附方

●一法灸欬逆

婦人屈乳頭向下盡處骨間是穴丈夫及乳小者以一指為率

正男左女右與乳相直問陷中動求處是穴支炷如小豆大灸

三壯

○噎氣第二十

胃中有火有痰



大法用南星半夏軟石膏香附梔子或丸或湯服之

○吞酸第二十一 附吐酸

吞酸與吐酸不同吐酸是平時津液隨上升之氣而積而成鬱積  
之久溫中生熱故從火化遂作酸水而吐出肝一云溫熱鬱積於  
肝而出於肺胃之  
問其有積久不能自涌伏於肺胃之間咯不得上燕不得下肌  
表得風寒則內熱愈鬱而酸味刺心肌表得溫煖則腠理開發  
或得香熱湯丸津液得行而暫解故素問言熱言其本也東垣  
言寒言其末也但不言外得風寒而作收引立說欲瀉肺今之  
突謂寒藥不可治酸而用安胃湯加減二陳湯俱犯丁香無治  
去為未合經意戴氏曰溫熱在胃口上飲食入胃  
被溫熱鬱遏不得溥化故作酸也

○茱連丸

黃連二兩陳壁  
土炒去上

黃芩制同  
上 茱萸去梗煮少  
時晒乾

陳皮各五  
分

蒼朮七  
分

右末神曲糊丸茱萸豆大每服三五十九津液下一方茱連二  
味隨時令迭為佐使熱月以黃連為佐茱  
萸為使寒月反之 蒼朮茯苓為主治  
而無陳皮黃芩用炊餅丸服

食鬱有痰二陳加南星黃芩之類

治吞酸或宿食不化用生料平胃散蒼朮厚朴  
俱不制白加神曲麥芽煨姜  
炒

水煎服

治酸又用茱萸順其性而所之

酸病宜節厚味又疏食自養則病易安



吐清水用蒼木陳壁土炒茯苓滑石炒白木陳皮煎服

一人因心痛服熱藥兼患吞酸苦二陳湯加苓連白木菴仁郁李

澤瀉服之涌出酸苦里米大如爛木耳者服久心痛既愈酸仍

有酸塊自胃築上咽喉甚惡以黃連濃煎冷俟塊欲上與

數滴飲之即下數次而愈

●參黃丸 上可治吞酸下可治自利一方云治溫白帶氣者溫熱甚者用之為面導

六一散七 茱萸一兩 右為末飯丸

○饋雜第廿二

痰因火動

食鬱有熱 炒梔子姜炒黃連乃又用之藥也

大法用黃連梔子黃芩南星半夏橘紅熱多加青黛肥人宜二陳

湯少加撫芎蒼木白木梔子

若溫痰氣滯不喜食用二補丸加蒼木倍香附

一童子心脾疼饋雜詳見三十一六篇

○傷飲食第廿三

傷食又惡食氣口脉又眩盛胃膈又痞塞六脊頭痛發熱者但身

不痛

惡食者胃中有物宜道痰運脾用二陳湯加白木山查川芎蒼木

服之

聞食氣即嘔二陳湯加砂仁一錢青皮五分服之

●保和丸 治食積脾胃虛者以補藥下之

山查取肉二兩蒸 神曲炒 半夏 茯苓各一兩



羅蔔子炒 陳皮

連喬各五

右末粥丸或以神曲為糊丸加白木二兩名大安丸

一人嗜酒痛飲不醉忽糟粕出前竅尿溺出后竅脉沉瀆與四物湯加海金沙木香檳榔木通菀仁八貼而安

附方

●枳木丸 治痞消食強胃

白木二兩 枳實殼炒去脈

右為末荷葉裹燒飯用梗米淘淨量以熱水浸取生荷葉三層包之上撮其口埋於灰火中露出

生荷葉以乾荷葉如前包入砂礮內煮之 研為糊丸如梧

子大每服五七十九多用白湯送下坎藥久能使人胃氣強

實雖過食而不復傷也若加陳皮一兩名陳皮枳木丸治老

幼元氣虛弱飲食不消或藏府不調心下痞悶若加半夏一

兩各半夏枳木丸治因冷食內傷若加神曲炒 大麥蘖炒

各一兩名由蘖枳木丸治勉強多食致心腹滿悶不快若加

木香一兩名木香枳木丸破滯氣消飲食開胃進食坎四方

製法俱同本方但各量所傷服之若加黃芩四兩黃連酒大

黃煨神曲炒 陳皮各二兩名三黃枳木丸治傷肉食温麩辛

辣味厚之物填塞悶亂不快以蒸餅為丸量所傷服之

●瓜蒂散 吐食物經曰上部有脉下部無脉其人當吐不吐則

食填塞胃中太阴之分野肝木之氣鬱而不伸故又吐以達

之然傷有輕重又甚而至於下部無脉乃用此藥吐之不吐

●葛花解醒湯 治酒客病令上下分消其温



白豆蔻仁

砂仁

葛花

乾生姜

神曲炒

澤瀉

白木各二

木香五

青皮去

陳皮去

猪苓去

人參

白茯苓各一

五分

右末每服三錢白湯調下但得微汗則病去矣

●平胃散

蒼朮八

陳皮五

甘草三

厚朴五

姜制

右末每服三四錢姜棗煎湯調服或鹽湯點服

●枳實道滯丸

治傷溫熱之物不得施化而作痞滿悶

茯苓

黃芩

白朮

黃連各三

瀉澤二

大黃一

枳實炒

神曲各五

右為細末湯浸蒸餅丸如梧子之每服五七十九

●備急丸

治胃停滯寒冷之物及瘵心腹諸卒暴百病

○痞滿第廿四

河間曰痞與否同人通泰也茲惟以心膈悶而不痛者為痞滿其內外皆脹急者為腫脹其聚而成塊者為積塊也

東垣有法有方謂傷寒下早而痞者益寒傷榮又者血也心主血

邪入於本故心下痞仲景以瀉心湯主之用黃連瀉心下火和

其效如桴鼓影響酒積雜病下之過六作痞滿者益下多則亡

陰謂脾胃水穀之陰亡也胃中之氣因虛而下陷于心之分故

致心下痞宜升胃氣以血藥兼之若全用氣藥導之則痞益甚

而復下之氣愈下降又變中滿鼓脹然又者虛實之殊焉實症

大便閉一云能厚朴枳實湯主之虛痞大便利者芍藥陳皮治

之飲食倍傷而為痞者常用消道其胃中窒塞上通兀兀欲吐



者因而越之凡治痞者宜詳審焉或曰有中氣盈弱不能運化者又曰古方治痞用黃連芩枳實之苦以泄之厚朴生姜半之辛以教之人參白朮之甘苦以補之茯苓澤石之類瘦人多是熱宜枳實黃連以導之葛根升麻以發之如飲食后因冒風寒飲食不消而作痞宜萊菔砂仁草豆蔻藿香之類温以化之如脾氣虛弱轉運不調飲食不化而作宜白朮山查神曲麥芽之類以消之

●左金丸 治痞滿

痞挾血成窠囊者用莖仁紅花香附大黃之類

一婦因哭子后胃痞詳見二十六篇

附方

●消痞丸 治心下痞悶一切所傷及積年不愈者

乾生姜 神曲炒 甘草炙各二 猪苓五分 澤瀉

厚朴 砂仁各三 半夏湯 陳皮 人參各四

枳實五 黃連炒 黃芩各六 姜黃 白朮各一

右末蒸餅丸梧子大每服五十至百丸食后白湯下

●失笑丸一名枳實消痞丸 治右關脉弦心下虛痞惡食懶倦開胃進飲食

甘草炙 麥蘖麩 白茯苓 白朮各二 乾生姜一

半夏 神曲 人參各三 厚朴四錢 枳實 黃連各五

右末湯浸蒸餅丸梧子大每服七十九丸食遠白湯下

●消痞湯一名木香化滯湯 治因憂氣鬱結中脘腹皮裏微痛心下痞滿

不思飲食

當歸稍 枳實炒各四分 陳皮 生姜 木香各六分

柴胡七分 草豆蔻 甘草炙各二分 半夏一分 紅花少許



右作一服水二鍾生姜三片煎至一鍾食遠服

○腫脹第廿五

舊以水腫鼓脹各立篇目其論治又錯雜而無所分別故以原病大率起於中宮治法可相有而不可相無故與各為腫脹而於立論制治處畧分先后別之

心肺陽也居上肝腎陰也居下脾居中六陰也屬土經曰飲食入胃游溢精氣上輸于脾又氣散精上歸于肺通調水道下輸膀胱水精四布五經並行是脾具坤靜之德而育乾健之運故能使心肺之陽降肝腎之陰升而成天地交之泰今也七情內傷六淫外侵飲食不節房勞致虛脾土之陰受傷輸之官失職胃雖受穀不能運化陽自升陰自降而成天地不交之否於是情濁相干隧道壅氣化濁血瘀鬱成熱留而久氣化成溫又熱相生遂成脹滿經曰鼓脹是也以其外堅中空似鼓其病膠固難

治理宜補脾又養肺金以制木使脾無賊邪之慮滋腎水以制火使肺得清化之令却鹽味以防賊邪斷妄想以保母氣無有不安醫不察此喜行利藥得一時之快復脹愈甚直氣傷而去死不遠倍謂氣無補法者以其痞滿壅塞似難於補不思正氣虛而不能運行和滯着而不出所以為病經曰壯者氣行則愈疾者着而成病氣虛不補何由以行經曰塞因塞用正謂此也且此病之起固非一年根深勢篤欲取速効自求禍耳知主道者可與語此其或受病之淺脾胃尚壯積滯不痼者惟可畧與疏導亦不可峻與利藥也

古方推禹餘糧丸制肝補脾殊為切當然亦須隨時隨証加減一



友人得脹疾自製此藥服之余曰溫執藥多且煨煉火邪尚存宜自加減彼不聽服之一月口鼻出血骨立而死

朝寬暮急血虛暮寬朝急氣虛朝暮急氣血俱虛

治腫脹大法宜補中行溫利小便以人參蒼朮白朮陳皮茯苓為主佐以黃芩麥門冬制肝木少加厚朴氣不運加木香木通氣下陷加升麻柴胡提之血虛加補血藥痰壅加痰藥隨証加減用之又須遠音樂斷厚味

產後又大補血氣少佐以蒼朮茯苓使水自降大劑白朮補脾壅滿用半夏陳皮香附監之有熱當清肺金麥門冬黃芩之屬

一人嗜酒病瘧半年患脹滿脉弦而清重取則大手足瘦腹如蜘蛛以參朮為君當歸芍藥川芎為臣黃連陳皮茯苓厚朴為佐

生甘草此少日三次飲之嚴守戒忌一月後汗而瘧愈又半月小便長而愈

一人嗜酒大便見血春患脹色黑而腹大形如鬼脉濇而數重似弦以四物湯加芩連朮通白朮陳皮厚朴生甘草作湯服之一年而安

一人因久病心痛咽酸治愈后至春中腕微脹面青氣喘意謂久病衰弱木氣凌脾以索矩三和湯而安

一女子患胃腹脹滿自利十數行脉大散無力予曰此表証反攻裏當死賴質厚時又在室可救但壽損矣以四物湯加參朮陳皮炙甘草煎服半月未退自用蘿蔔種煎浴二度又虛其表腹稍增事急矣前方去芍藥地黃加黃芪倍白朮大劑濃煎飲之



丹溪纂要 卷之五 七十五  
又以參朮為丸吞之又食難化物自利以參朮少加陳皮為佐煎湯肉豆蔻訶子為君山查為使粥丸吞之四五十貼而安

一人因久瘧腹脹脉微弦重取瀆皆無力與三和湯三倍朮入薑汁數貼而瘧愈小便利腹稍減隨又小便短少血氣兩虛於前方入人參牛膝歸身尾大劑百貼而安

一法治腹脹用癩蝦蟆一箇入猪肚內煮熟去蝦蟆將肚一日食尽水腫本自中宮諸家只知治濕利小便之說類用去水之藥其有

用導水丸舟車丸神佑丸之類此速死之兆戴氏曰水腫通身皮膚光腫如飽者是也氣實者亦可下下后急用調補以白朮為主○已下若干滌大率主水腫而言也

是也氣實者亦可下下后急用調補以白朮為主○已下若干滌大率主水腫而言也

盧氏醫鏡以水腫棗子腎脾胃而不及脾又謂肺盛生水水液疾行豈理也哉夫脾土受病肺為之子固不能自盛而生水且肺

金清氣之生水則滋長腎陰奉行降令為生化之源何病腫之有令為腫之水乃濁腐之氣滲透經絡注流溪谷灌入隧道金亦化水欲藉脾土以制之導腎氣以利之不知脾病則金氣衰未寡於畏而來侮脾欲不病不可得矣治法宜清心經之火補養脾土全運化之職肺氣下降滲道開通敗濁之氣稍清者復回而為氣為血為津液敗濁之甚者在上為汗在下為溺以漸而分消矣

水腫脉多沉病陽水兼陽證脉又沉數病陰水兼陰證脉又為渾

煩渴小便赤澀大便秘比為陽水不煩渴而大便溏小便少而不赤澀比為陰水

腰已上腫宜發汗腰已下腫宜利小便此仲景要法發汗用麻黃甘草二味煎

水腫用山梔仁炒為末米飲送下若胃腕熱病在上者帶皮用



香茹治水甚捷有徹下之功肺得之則清化行而水自下用大葉者濃煎汁成膏丸而服之可治水脹

一人能大食肉又泄忽遍身腫頭面其目不可開膈滿如築足麻至膝惡風陰絡挺前脉左沉重取不應右短小却和滑令單者白朮湯空心服探吐之食后以白朮二錢麻黃川芎各五分防風三分作湯下保和丸五十粒吐中得汗上截居多腫遂退服開氣順食進前方去麻黃防風加白朮三錢木通又草各半錢下保和丸五十九五日而安

一婦素多怒因食燒肉面腫不食身倦脉沉瀆左豁大坎體虛有痰氣為痰所隔不得下降當補虛利痰為主每早以二陳湯加參朮大劑與之后探吐出藥辰時后用三和湯三倍木睡后以

神佑丸七丸挽其痰一月而安

附方

●禹餘糧丸 治中滿氣脹喘滿及水氣脹

蛇含石

煨禹餘糧同針砂炒各三

針砂五兩三物為主其次量虛實

木香

牛膝

蓬朮

桂心

白蒺藜

川芎

茴香炒

三稜

羌活

茯苓

白豆蔻

乾姜

青皮

陳皮

附子

當歸各五

右為末湯浸蒸餅為丸梧子大每服五十九空心服酒下因

內論及此方姑錄以為備

●索矩三和湯

橘皮

厚朴

檳榔

白朮

各一

甘草

炙



紫蘓各二 海金沙 木通各一 生姜片三 ○右剉水煎服

●實脾散 治陰水羨腫用此先實脾

厚朴姜制 白朮 木瓜 木香 乾姜炒各一

草果仁 大腹 附子 白茯苓 甘草炙各五

右剉每服四錢加姜束水煎服

●五皮散 治面目虛浮四肢腫滿心腹脹上氣喘急

陳皮 桑白皮 生姜皮 大腹皮 茯苓皮

右剉每服五錢水煎

●大黃神佑丸

大黃 大戟 芫花制一 青皮去白 陳皮 黃百皮去

檳榔各一 甘遂制 木香各五 輕粉五分 牽牛頭末

右末水丸梧子大每服六七十丸白湯下隨證臨時加減可

下者以此方量其虛實消息用之

○積塊第廿六 附茶癖

諸書論積聚歲痕不一孝者固宜詳辨然積者停蓄之積名丹溪只以積在中在左在右為異既不以積聚病痕之異同立治故於此

直以積塊名諸云

塊是有形之物氣不能成塊乃痰與食積死血也在中為痰飲之

難為食積在左為血積各本有胃其痰有根其痛有處脉沉伏為積其痰無根其痛無處脉沉細為聚

之餅蓋仍諸書之舊今既手既不以此處治故不嫌

大法醎以軟之堅以削之行氣開痰為主

治塊用海石三稜莪朮香附俱醋者菴仁紅花五靈脂之類為

白木湯下



枴

蜀葵根煎湯入人參白朮青皮陳皮甘草稍牛膝煎成膏入細研  
菝仁玄明粉各少許熱飲之二服當見塊下病重者須補接之  
人加減再行此即后條所治

石鱗去痰積食積洗滌垢膩同功

瓦壘子能消血塊次能消痰

瓦壘子即蝶殼也。日本為瓦壘子也。或以蠶殼用之誤矣。古方有瓦壘子。子註為蚌考之本草云蚌殼如瓦壘燒以醋淬三度埋令壞為膏丸治一功氣血職症是也。近見胡廷寅云瓦壘子出高麗大

如奉以上者有效

積血不可專用下藥徒損真氣病心不去當消導使融化行死血

塊又去須大補

倒倉法用肥嫩黃牝牛肉三十斤

又得三十斤方可寧切切成小塊

去筋膜長流水煮糜爛以布濾去渣滓取淨汁再入鍋中慢火

熬至琥珀色則成矣令病人預先斷飲食探前一日不食晚飯

設密室令明快而不通風置穢桶及木瓦盆貯吐下之物置一

瓦盆盛所出之溺至日病者入室以汁飲一鍾少時又飲一鍾

積數十鍾寒月則重湯溫而飲之任其吐利病在上者欲其吐

多病在下者欲其利多病在中及在上又在下者欲其吐利一

多全在活法而為之緩急多寡也連飲之急四逆上而吐視所

出之物又盡病根乃止吐利後又渴不得與湯以所出之溺飲

之名輪迴酒非惟可以止渴抑且可以滌濯餘垢行后倦睡各

飢先與稠米飲次與淡稀粥三日後方與少菜羹次與厚粥軟  
飯調養半月或一月覺精神渙發形體輕健沉疴悉安矣其後  
須忌牛肉數年夫牛坤土也黃土之色也以順為性而效法乎



乾以為功者牡之用也肉者胃之樂也熟而為汁無形之物也  
橫散入肉絡由腸胃而滲透肌膚毛竅爪甲無不入也積聚  
則形質成依附腸胃回薄曲折處以為栖泊之窠曰阻凝津液  
氣血薰蒸燔灼成病自非剖腸刮骨之神妙可以銖兩丸散窺  
犯其藩墻戶牖乎肉液之散溢腸胃受之其厚皆倍于前有似  
乎腫其回薄曲折處肉液克滿流行有如洪水泛漲浮槎陳粒  
皆推逐蕩漾順流而下不可停流表者因吐而汗清道者自吐  
而瀉溺道者自泄而去凡屬滯疑一洗而盡牛肉全重厚和順之  
性盎然渙然潤澤枯槁補益虛損寧無精神汗發之樂乎耳似  
武王克商散才發粟以賑殷民之仰望也其方出於西域之至  
人凡人于中年后行一二次亦却疾養壽之一助也

倒倉法全藉自飲輪迴酒十餘杯以祛逐餘垢迎接調勻新布  
衛使藏氣音膜生意敷暢有脫胎換骨之功也多嫌其穢因致  
中輟而功虧一篲若非明物理通造化者其肯視為美醒良味

乎丹溪與人  
書簡所論

● 三聖膏 貼積塊

用末化石灰半斤為末瓦器中炒微紅提出候熱稍減入大黃  
末一两炒熟仍提出入桂心末五錢畧炒入米醋熬成膏厚維  
烘熟貼

● 琥珀膏 貼積塊

用大黃朴硝各一两為末用大蒜搗膏和勻貼之

● 保和丸 治食積



●阿魏丸

治肉積

阿魏

山查各一兩

連喬五錢

黃連六錢

半

右三味為末以阿魏醋煮為糊丸如梧子每服五六十九丸

加半夏一兩以皂角同煮透晒乾右論三錢又一方以醋者神曲為丸無翹又一方既兼諸方而又有瓜蒌貝母南星風化消胡黃連蘆薈子麥芽姜汁浸蒸餅丸治諸積聚用者詳而去處之

陳皮茯苓各一錢煎湯送下

●大小温中丸

治積

婦人有塊多是血

婦人死血食積痰飲成塊在兩脇動作雷鳴饑雜眩暈身熱時作

時止用黃連

一兩用茱萸炒去茱萸五錢以益智炒去益智 羅蔔子炒 各一兩五錢台

芎山梔炒 三稜煮 莪木煮 麥皮煮 曲煮 薤仁去皮 各五錢香附童便

山查各一兩為末蒸餅丸服

婦人血塊如盆有孕難服峻藥以香附四兩醋煮薤仁一兩去皮

尖海石二兩醋煮白朮一兩神曲糊為丸

痞塊在皮裏膜外須用補氣藥及香附開之兼二陳湯先須斷厚

味

一婦性急多勞斷經一月小腹有塊偏左塊起即痛減腹漸腫脹

夜熱熱食減其脉冬間得虛微短瀦左尤甚初與白朮一斤和

白陳皮半斤作二十貼煎服以三聖膏貼塊上經宿塊軟再宿

近下一寸旬日食進痛減又與前藥一料加木通三兩每貼加

薤仁九箇病除

一婦素好酒因冒暑忽足冷過膝上腕有塊引脇痛不可眠食減



不渴已服生料五積散脉沉濇數卜而右甚便去用大承氣湯  
大黃減半而熟炒加黃連芍藥川芎乾葛甘草作湯以栝蒌仁  
半夏黃連貝母為丸吞之至十二日足冷退塊減半遂止藥半  
月而愈

一婦因經水過多每瀝藥致敗血不行用蜀葵根煎湯再煎參朮陳皮青  
皮甘草稍牛膝入玄明粉少許研菝仁調服二貼連下塊二枚  
以其病久血耗不敢頓下乃去葵根玄明粉服之塊漸消而愈

一婦患吞酸后心疼有痞塊

詳見三  
十六篇

一婦因哭子后胃痞有塊如杯食減面淡黃黧黑憊甚脉弦細虛  
濇日甫炭寒熱知其勢危補瀉兼用以補中益氣湯隨時令加

減與痞氣丸相間服之食前用湯食后用丸火湯多於丸也一  
月寒熱退食稍進仍服前藥二月后忽夜大寒熱天明退其塊  
如失至晚手足下半節皆腫遂停藥數日忽夜腫如失天明塊  
復有而小以二陳湯加白朮桔梗枳實服半月而安次年生子  
一婦因性急乳房下結一塊長掩心微痛膈悶食減口苦脉微短  
濇知其經六不行思其舉動如常尚有胃氣以琥珀膏貼塊以  
參朮芎歸佐以氣藥二百餘貼并吞潤下丸脉濇減漸克經行  
紫色用前湯丸加醋炒三稜佐以抑青丸塊消太平食進止藥  
待來春水旺區處次年夏塊復作大於舊脉平和格弦知其事  
激也以前補藥加炒芩佐以木通生姜去三稜吞潤下丸貼琥  
珀膏經行塊散以是肺金為火所燍木邪勝土土不能運清濁



相干舊塊輪廊因氣血未盡復濁氣消留而復起也補血氣使肺不受邪木氣平而土氣正濁氣行而塊散矣

一婦性沉多憂年四十經不行三月矣小腹中有塊初如粟漸如盞脉潛重取却有按之痛甚捫高半寸與千金硝石丸四五次忽乳頭黑且汁恐孕子曰潛脉無孕又與三五貼虛脉豁知藥峻矣與四物湯倍加白木佐以陳皮三十貼俟脉完再與硝事九數次塊消一暈止藥又半月經行痛甚下黑血半升有如淑核者數十已消一半累求藥不與待其自消至經行三次每塊小黑塊乃盡消凡攻擊之藥有病即病受之邪輕則胃氣受傷矣夫胃氣清純中和者也惟與穀肉菜果相宜藥石皆偏勝之氣雖參芪性亦偏况攻擊者乎以婦胃氣弱血亦少若待塊盡而却藥則胃氣之存者幾希矣

一人作勞冷酒醉卧膈痛飢而過飽遂成左脇痛一塊如掌按之痛甚倦怠不食脉細澁沉弱不數以陰滯於陽也以韭汁研莖仁七枚服之三次塊如失痛在小腹塊如雞卵以童便研莖仁二十餘枚又以韭餅置痛處熨之半日前後通而安

茶癖用石膏黃芩升麻為末砂糖水調服

一人愛吃茶用白木石膏片芩芍藥薄荷膽星為末砂糖調膏津液化下

附方

●千金硝石丸丹溪名上可磨塊下不令人須量虛實

硝石六兩

大黃八兩

人參

甘草各三兩



右細末以三年苦酒三升置器中以竹片作準每入一升作一刻先入大黃不住手攪使微沸盡一刻乃下餘藥又盡一刻微火熬便可丸如雞子黃大每服一九如不用大丸作梧子大每服三十九服后下如雞肝米泔赤黑色等物效下后忌風冷宜軟粥調理

●肥氣丸 治肝之積在左脇下如覆杯有頭足久不愈令人發欬逆瘕瘕連歲不已

厚朴五 黃連七 柴胡二 椒四 巴豆霜三

烏頭炮去皮一分 乾姜炮五分 皂角去皮子弦一分半

廣木炮二分 人參二分 甘草炙三分 昆布二分 白茯苓一分

右除茯苓皂角豆霜另末外為極細末和勻煉蜜為丸梧子

大每服二九一日加一九漸加至大便微澹再從二九加服周而復始積減大半勿服

●伏梁丸 治心之積起臍上大如臂上至心下久不愈令人煩

黃連一分 厚朴制五分 人參各五分 黃芩三分 桂一分

乾姜 菖蒲 巴豆霜各一分 紅豆二分

川烏頭炮五分 伏神 丹參炒各一分

右為細末另研豆霜旋又入末煉蜜為丸如梧子大每服如上法淡黃連湯下

●痞氣丸 治脾之積在胃脘覆大如盤久不愈令人四肢不收

菝葜 飲食不為肌膚 巴豆霜 桂各四分 砂仁 乾姜各一分 厚朴四分



黃連八分 茱萸二分 黃芩二分 白茯苓 澤瀉

人參各一分 川烏頭炮 川椒炒各五分 茵陳酒炒

右除豆霜另研茯苓另末旋入外同為細末煉蜜丸梧子大用淡甘草湯下服如上法

●息賁丸 治肺之積在右脇下覆大如杯久不已令人洒析寒熱喘痰肺癰

厚朴炒八分 黃連炒一分 乾姜炮 白茯苓

川椒炒 紫苑各一分 桂 川烏頭炮 桔梗

白豆蔻 陳皮 京三棱 天門冬各一分

人參三分 青皮五分 巴豆霜四分

右除茯苓巴豆霜旋入外為細末煉蜜丸梧子大以淡薑湯送下服如上法已上四方秋冬加厚朴減黃連四分之一

●奔豚丸 治腎之積痰于小腹上至心下若豚狀或下或上無時久不已令人喘逆骨痠少氣及治男子內結七疝女人瘕聚滯下

厚朴制七分 黃連五分 白茯苓 澤瀉 菖蒲各二分

川烏頭 丁香五分 苦練酒煮三分 玄胡一分 全蝎

附子 獨活各一分 桂二分 巴豆霜四分

右除豆霜茯苓另為末旋入外為細末煉蜜丸如梧子大淡鹽湯下服如上法

按已上諸方宜隨証加減用之所謂益元氣泄陰火破滯氣其也



新鏡丹溪朱先生醫書纂要卷之三

○注夏第廿七

軟

人有春末夏初患頭痛脚飲食少體熱仲景謂春夏劇秋冬瘥而脉大者世倍所謂注夏病也

属陰虛元氣不足宜補中益氣去柴胡升麻加炒栢芍藥挾痰加

半夏陳皮之類或用生脉散

東垣云季夏之間困乏無力無氣以前服黃芪人參麥門冬五味子

少加黃栢使人精神頗加兩足筋力涌出生用

○冒風第廿八

初飲食訖乘風涼而致其証飲食不下形瘦腹大惡風頭多干膈塞不通脉右関弦而緩帶浮冒風湯正治此証或看所挾加

附方



●冒風湯

人參 茯苓 川芎 當歸 桂 白朮

白芍藥各等分

右剉每服七八錢入粟米百餘粒煎服腹痛加木香

○虛損第廿九

多屬陰虛

天為陽而運於地之外地為陰而居乎中天之大氣舉之日實也屬陽而運於月之朏月缺也屬陰稟日之光以為明人受天地之氣以生天之陽氣為氣地之陰氣為血故氣常有餘血常不足有形之後猶待於乳哺水穀之養陰氣始成而可與陽配男子精通女子經行是陰氣之難成也男子八八而精絕女子二

七而經斷陰氣之成止供給得三十年之運用已先虧矣人之情欲無涯以難成易虧之陰若何而可以供給也

經曰精不足者補之以味又陰也補精以陰木其本也然味乃如

穀粟菜果出於天賦自然冲和之味故有食人補陰之功非醢

醬烹飪偏厚之味出於人為者也經曰陰之所生本在五味非

天賦之味乎曰人之五宮傷在五味非人為之味乎善攝生者

不可謂味以補精而逐恣於口腹以自速其禍也又曰形不足

者溫之以氣溫養也溫存以養使氣自充氣充則形完矣曰補

曰溫各有其旨局方悉以溫熱佐輔藥名曰溫補豈旨也六

人年老或虛損精血俱耗陰不足以配陽孤陽幾於飛越天生胃

氣尚爾雷連又藉水穀之陰故羈縻而定耳局方用溫劑劫虛



蓋脾得溫則食進故亦暫可質有厚薄病有淺深設或大手何以收救吾寧稍遲計出萬全溫劑決不可用

人年老虛損但覺小水短少即是病進宜以人參白朮為君片膝芍藥為臣陳皮茯苓為佐春加川芎夏加黃芩麥門冬冬加當歸身倍生姜一日或一貼或二貼小水之長若舊乃止此却病之捷法也此丹溪之母所服方

虛勞不受補者不治

●大補陰丸 降陰火補腎水

黃蘗炒褐 知母酒炒各四兩 熟地黄 龜板酥炙各六兩

右末猪脊髓和煉蜜丸空心鹽湯送下

●補陰丸又名虎潛丸

黃蘗半斤 酒炒 鹽 知母酒炒 龜板四兩 酥炙 熟地黄各三

白芍藥炒 陳皮 牛膝各三兩 鎖陽 芎歸各一兩

虎胫骨一兩 酥炙

右末酒煮糊肉丸鹽湯下冬加乾姜五錢

補氣用人參然蒼黑人多服之心反助火邪而燥真陰可以白朮代之若肥白人多服最好又又加陳皮同用

一人體長露筋骨患體虛而勞頭痛甚自分為死矣脉弦大帶數以人參白朮為君川芎陳皮為佐服至五六日未減乃藥力未至也自欲加黃芪子少許明日頭痛頓愈但脉稍盛又膈滿不飢而腹脹審知其皆加黃芪也遂以二陳加厚朴枳殼黃連以瀉其衛三貼而安是瘦人虛勞多氣實也原論又形察脉問証及此



一老人頭目昏重手足無力吐痰相續脉左散大而緩右緩大不  
及左重皆無力飲食畧減而微渴大便三四日一行醫與風藥  
予曰若然至春深必死此大虛證當大補之以參芪歸身之藥  
白朮陳皮濃煎下連藥丸三十九服一年後而精力如少壯連  
藥丸姜汁炒姜糊丸冬加乾姜少許

一人肥大蒼厚因厚味致消渴治愈后以黃雌雞滋補食至千數  
患膈滿嘔吐醫用丁沉之藥百數而愈后值大熱中惡風怕他  
氣乃堆糠鋪簟蔽風而反薰上呼吸言語皆不能脉四至浮大  
而虛以內有溫痰多得燥熱藥成氣散血耗夏令當死賴色倉  
厚胃氣尚存以參朮黃芪熬膏煎淡五味湯以竹瀝調飲之三  
月全愈

羅太無治一病僧黃瘦倦怠因念母所致令以牛肉猪肚肥甘等  
煮糜爛食之且慰諭之半月察其形稍甦與菘仁承氣日三貼  
下之皆是血塊痰積蔬粥調理半月如故

太病虛脫本是陰虛艾炙丹田脩下三寸針八分灸任多者所以  
補陽又生陰長故也不可用附子可用參芪多服

竹瀝本草云大寒泛觀之似與石膏芩連等用類而諸方治胎產  
及金瘡口噤與血虛自汗消渴尿多皆是陰虛之病無不用之  
產後不碍虛胎前不損子何世倍因太寒二字棄而不用經曰  
陰虛則發熱竹瀝味甘性緩能陰除虛之有大熱者寒而亦補  
正與病對大寒言其功非獨言氣也人終世食筍未有因其寒  
而病者瀝即筍之液也假於火而成何寒如此之甚



附方

●四君子湯

人參 五分 白朮 一兩 茯苓 一兩 甘草 三分

右剉每服四五錢水煎服

●四物湯

川芎 當歸 各一兩 芍藥 熟地黄 各三兩半

右剉每服一兩水煎服

●八物湯 合四君子

●六君子湯 合四君子

●十全大補湯

人參 黃芪 白朮 茯苓 熟地黄 肉桂 當歸 川芎 等分 甘草

芍藥 熟地黄 肉桂 當歸 川芎 等分

右剉每服一兩加姜枣水煎

●加味虎潛丸

人參 黃芪 芍藥 炒 黃蘗 堅厚金色者酒浸炒 大當歸 酒浸

山藥 各一兩 瑣陽 比從邑乾而色淡者酥炙黃 甘州枸杞

虎胫骨 酒浸一宿酥炙黃 龜板 同上制 兔絲子 鹽酒炒各五分 破故紙 炒

杜仲 絲炒去 五味 各七分 牛膝 二兩酒洗 熟地黄 四兩

右為末煉蜜和猪脊髓丸梧子大每服百丸温酒或鹽湯下

●滋陰大補丸 即衛生寶鑑還少丹無猪實而分兩不同

牛膝 酒浸 山藥 各一兩 杜仲 酒和姜汁浸去絲 巴戟 酒浸

山茱萸 鮮紅者去核 肉苁蓉 酒浸新瓦焙乾 五味 白茯苓 去皮

茴香 炒 遠志 甘草同煮去心各一兩 石菖蒲 枸杞子 各五



熟地黄 一两

右為末紅束煮取肉和煉蜜為丸梧子大每服八十九淡鹽湯或酒空心下與上虎潛丸相間服之佳所謂補陰和陽生血益精潤肌膚強筋骨性味清而不寒溫而不熱非達造化精微者未足與議於斯已上二方乃草窓劉先生所定者

●補腎丸

黃柏酒炒 龜板炙各三兩 杜仲炒 牛膝酒浸各二兩

陳皮兩 乾姜五冬用之 五味一兩夏用之

右為末姜汁糊丸或酒糊丸每服七十九白湯下

●補天丸 治氣血俱虛甚者

紫河車一具○紫河車即胞衣本草及古方不分男女用男用女胎者女用男胎者俱以初胎為佳似乎有理若

不可及得只壯盛婦人者俱可用

右以補腎丸藥為末河車水洗淨布絞乾入藥末搗勻焙乾

再為末酒米糊丸或以河車蒸熟搗藥末就丸亦可 虛勞者當以骨蒸藥佐

之一云氣虛加補氣藥血虛加補血藥 一方用側柏葉烏藥葉首葉首葉未詳 俱用

酒浸丸蒸丸曝為丸六名補腎丸同紫河車為丸

●六味地黄丸 治腎氣虛久新憔悴寢汗發熱五藏齊損瘦弱

虛煩蒸萎弱下血

乾山藥 山茱萸各四 澤瀉 牡丹皮

白茯苓各三 熟地黄八

右為末煉蜜為丸梧子大每服五十九清湯空心下

●人參固本丸



天門冬 麥門冬 生地黃 熟地黃 人參 ○口為末

●人參膏

人參去芦剉細如煎常藥去童水於銀石器內煎至一斗查再煎兩度去查逆以所煎汁文武火熬成而止諸藥煎膏

○勞瘵第三十

此陰虛之極痰與血病有 又 蠱者其博戶一証不可云無大法四物湯加人尿竹瀝姜汁

一方青蒿一斗五升童便三斗文武火熬約童便減二斗去蒿再熬至一升入猪膽汁七箇或又加辰砂檳榔同熬數甘草永收之用湯調服極妙

氣血虛甚發熱成勞者補天丸加骨蒸藥佐之

身瘦屬火因火燒燂也肉脫甚者難治

一人久嗽又紅發熱清瘦眾以為瘵百方不應子親之脉弦數日輕夜重用倒倉法而愈次年生子

傳屍勞瘵寒熱交攻久嗽咯血日見瘦瘦先以三物湯次以蓮心白蠟塵治瘵出

附方

●蓮心散

勞婦 黃芪 甘草 別甲醬灸 前胡 柴胡

羌活 獨活 防風 防已 茯苓 半夏

黃芩 陳皮 阿膠 官桂 赤芍藥 腐黃去

杏仁 蓮肉 南星 川芎各一 芫花醋炒黑 枳殼



右除荒花每服二錢半加姜三片枣一枚之荒花一抄水二小盞半煎至八分服頃吐有異物漸減去荒花與其滓所以殺虫炒之所以斷熱去寒妙在此處

●犀角紫河車丸 治傳屍勞神效

紫河車一具又名混沌夜即男胎胞衣米泔浸一宿焙乾用 驚甲炙

桔梗 胡黃連 芍藥 大黃 貝母去心

草龍膽 黃蘗子 知母 敗鼓皮心醋炙○各二分半

犀角鎊 蓬木 芒硝各半 硃砂水飛

右為末煉蜜丸如梧子大硃砂為衣每服二十九空心食前溫酒下知膈熱食后服之三月又平復其餘勞証只數服便愈重病不過一料

●柴前毒連散 治骨蒸勞熱三服而除

胡黃連 柴胡 全胡 烏毒等分

右剉每服三錢入猪膽一枚猪脊髓一條韭白童便水煎服

○蟲第卅一

溫熱之生臟腑虛則侵蝕

腹內熱腸胃虛虫行求食上唇有瘡曰惑虫食其藏下唇有瘡曰

狐虫食其肚亦有口瘡非狐惑也

慝蝕陰疔脉虛小者緊急者死尺脉沉滑者寸白虫

上半月虫頭向上易治下半月向下難治先以肉汁或糖蜜外虫

頭向上然後用藥

虫方練樹根枳即鶴虱夏取汁冬濃煎飲之又萬應丸最好



化虫丸 虫即化為水

硫黃二 木香五 蜜陀僧三 附一箇炮

右先以附末醋一升熬膏入藥和丸菴豆大荆芥茶清下

十九

治虫方雞子炒白蠟塵酒糊丸一寸白虫治一方川椒酒糊丸一方黑

鉛炒成灰攪柳末米飲調下

瀉心湯治感苦參湯洗之治狐

蛇虫以練樹根為君佐以二陳湯煎服

附方

寶鑑化虫丸

鶴虱去土 檳榔 苦練根去浮 胡粉炒 白礬二

右為末米糊丸如麻子大一歲兒服五丸温漿水入生油三點打勻下之温米飲六得不拘時候其虫細小者皆化為水

大者自下

集効丸

木香 鶴虱炒 檳榔 訶子煨 芫荑炒

附炮去 乾姜各七 大黃一 烏毒

右末煉蜜丸陳皮湯或醋湯下一方加黃

萬應丸

檳榔五 大黃八 黑牽牛四

皂角不 苦練根皮一

右先以皂角苦練根用水二大椀熬成膏一處搜和藥末為



丸如梧子大后用雷丸沉香木香各一两研細末為衣先用沉香衣后用雷丸木香衣每服三九四更時分用砂礮水下

○惡寒第卅二

惡寒非寒明是熱證亦有久服熱藥而得者河澗謂火極似水熱甚而反奄自冷實非寒也有用熱藥而少愈者辛能散鬱渴漸開耳

一壯年患惡寒多服附子病甚以江茶入姜汁香油些少吐痰一升減綿衣大半又與通聖散去麻黃大黃芒硝加地黃芩歸百貼而安知其燥熱已多血傷六深頃淡食以養胃內覘以養神則水可生火可降又多服補血涼藥乃可否則附毒又發彼以為迂后果蹶背而死

一老婦肥厚夏惡寒較慄啖熱衾綿大汗已得附子三十餘薄瘵甚脉沉濇重取稍大知其熱甚而血虛也以四物湯去芎倍地黃加白朮黃芪炒檉生甘草人參每貼二兩腸大泄目無視口無言知其熱甚藥無反佐之過也以前藥熟炒與一貼利止四貼精神或十貼全愈

一女子惡寒用苦參一錢赤小豆一錢蘆水探吐后用川芎蒼朮南星黃芩酒糊丸服

一人形瘦色黑素多酒不困年半百有別館一日大惡寒蹶戰三渴不飲脉大而弱右關稍實略數重則瀉以酒熱內鬱不泄泄由表熱而虛也黃芪二兩乾葛一兩煎飲之大汗而愈有陽虛而惡寒者用參芪之類者少加附子



惡寒久病亦宜解鬱

○惡熱第廿三

惡熱非熱明是虛證經曰陰虛則發熱陽在外為陰之  
為陽之守精神外馳嗜慾無節陰氣耗散陽無所附  
於肌表之間而惡熱也當作陰虛治之

一人脚常發熱冬不可加綿自誇稟質壯子知其足

其早斷慾事以補養陰血笑而不答年近五十患委

○眩暈第廿四

眩言其黑  
暈言其轉

痰在上火在下火炎上而動其痰也

諸風掉眩皆屬肝水此特一端耳此證屬痰者多益無痰

眩雖因風者亦又有痰

火動其痰二陳湯加黃芩蒼朮羌活挾氣虛者亦治痰為主兼補

氣降火藥如東垣白朮半夏天麻湯之類

左手脉數熱多脉瀝有死血右手脉實有痰積脉大是久病一云

之人氣血虛而脉  
大痰濁不降而眩

去血過多而眩運者芎歸湯

眩運不可當者以大黃酒炒為末茶湯調下

一老婦患赤白帶一年半只是頭眩坐立不久睡之則安專治帶

愈其眩自止

○頭痛第廿五

并頭風  
附眉骨痛

東垣頭痛論極好按東垣論曰經云東風生於春病在肝如足大

陽勝於之脉起於目內肯上額交巔上入絡腦還出別項病  
衝頭痛又足少陽膽之脉起於目銳肯上抵頭角頭痛大風從



上受之風寒傷上和從外入客於經絡令人振寒頭痛身重惡寒治在風池風府調其陰陽不足則補有餘則瀉汗之則愈也傷寒頭痛也頭痛耳鳴九竅不利者陽胃之少陰乃溫熱頭痛也氣上不下頭痛如頭顛疾者下虛上實也過在足少陰臣陽其也腎寒溫頭痛者甚則腦盡痛者先取手少陽也明此痛者有真頭痛者至骨髓者以腦為主腦逆故令頭痛齒痛凡所犯太寒內至骨髓者以腦為主腦逆故令頭痛齒痛凡頭痛皆以風藥治之者總其大体而言之也高巔之上惟風可到故味之薄者陰中之陽乃自地升天者也然亦有陰三陽之異故太陽頭痛脈弦細往來寒熱柴胡為主陽明頭痛自汗發熱少陽經頭痛脈弦細往來寒熱柴胡為主陽明頭痛自汗發熱惡寒脈浮緩長寒者升麻葛根石膏白芷為主太陽頭痛又有痰體重或腹痛為痰痛其脈沉緩蒼木半夏南星為主少陰經頭痛三陰三陽經不流行而足寒氣逆為寒逆其脈沉細麻黃附子細辛為主厥陰頭痛項痛或吐痰沫厥冷其脈浮緩吳茱萸湯主之血虛頭痛調中益氣湯少加川芎為主氣虛頭痛人參黃芪為主血俱虛頭痛調中益氣湯少加川芎蔓京子細辛甚效如神白朮半夏天麻湯治痰厥頭痛藥也青空膏乃風經熱頭痛藥也羌活附子湯治厥陰頭痛藥也如經氣在頭者以苦吐之不可執方而治先師嘗病頭痛疾時兩頰青黃眩暈自不欲開瀨言身體沉重兀兀欲吐一曰以厥陰太陰合病名曰風痰以局

方王壺丸治之更羨

多主於痰其痛甚者火多

勞役下虛之人似傷寒發熱汗出兩大太陽作痛此相火自下衝上

宜補中益氣多加川芎芎歸甚者加知母蔓荊子一云自魚屏上攻痰痛屬

血虛川芎當歸酒黃柏黃芩

諸經氣滯亦能頭痛

偏頭風在右屬痰屬熱痰用蒼木半夏熱用酒片苓在左屬風屬

血虛風用京芥薄荷或云京芥薄荷是頭痛之主藥詳証如用之血虛用芎歸芍藥

酒黃柏諸家不言所屬故藥多不效

青空膏治諸般頭痛性血虛頭痛不治

頭風一方用片苓一兩酒炒蒼木羌活防風各五錢蒼耳三錢細辛



二錢為末姜一片搗細和藥末三錢搗勻茶湯調服之

酒連川芎炒半夏  
曲無防風細辛

方有  
工甘草

少陽偏頭痛多便秘或可下之

頭痛須用川芎如不應各加引經藥

太陽川芎陽明白芷少陽柴  
胡太陰蒼朮少陰細辛厥陰

茱萸此東  
垣法也

如肥人頭痛是溫痰宜用半夏蒼朮如瘦人頭痛是

熱痰頭面宜用酒洗薄荷黃芩因感冒而頭痛宜防風羌活蒿  
本白芷之類如氣虛而痛宜黃芪酒生地黃東垣安神湯之類

如風熱在上而痛宜天麻蔓京子台芎酒黃芩如若頭痛宜細

辛如形瘦色蒼而頭痛者此是血虛宜用當歸川芎酒黃柏

壯實人氣實有痰或頭重或暈用大黃三次酒炒為末茶調三四

錢服立效

一婦心與頭更換而痛

詳見三  
十六篇

肩稜骨痛屬風熱與痰治類頭風白芷酒黃芩為末茶調下

又方烏頭草烏二味為君童便浸炒去毒加細辛羌活黃芩甘草

等分為末茶清調服

附方

●清空膏 治偏正頭痛年深久不愈者善療風溫熱頭上壅積

自及腦痛不止

川芎五

柴胡七

黃連炒

防風去

羌活已上各

甘草灸一兩  
五

細梃子黃芩

五及  
制一  
半炒

右為細末每服二錢熱盞內入茶少許湯調如膏嘔吐扶口

內少用白湯送下如若頭痛每服加細辛二分如太陰脈緩



有痰厥頭痛減羌活防風川芎甘草加半夏一兩伍錢如偏  
正頭痛服之不愈減羌活防風川芎一半加柴胡一倍如發  
熱而渴此陽明頭痛只服白虎湯加好吳白芷

●一粒金

葶藶以猪胆汁伴勻復入胆

青黛

玄胡索

白芷川芎各一

右為末無根水為丸每用一丸無根水化開搐鼻內以銅錢  
二三文齡定出涎

●白朮半夏天麻湯 治痰厥頭痛

黃蘗二分 乾姜三分

澤瀉

白茯苓

天麻

黃芪

人參各五 蒼朮各五 神曲炒

白朮各一

麥蘗麩

半夏

橘皮各一分

右剉每服五錢水煎熱服食前一服而愈以頭痛若甚謂之  
足太陰痰厥頭痛非半夏不能療眼黑頭旋風非內作非天  
麻不能除黃芪甘溫瀉火補中氣實表虛止自汗人參甘溫  
瀉火補中益氣二木俱苦甘溫除溫補中益氣澤瀉茯苓利  
小便導溫橘皮苦溫益氣調中升陽神曲消食蕩胃申滯氣  
麥蘗寬子以胃氣乾姜辛熱以滌中寒黃柏大苦寒酒洗以  
療冬天少火在泉發燥也

●天香散 治遠年頭風甚者一二服除根

香白芷 南星 川烏 半夏

右為末婦人加甘草



●羌活附子湯 治冬寒犯腦痛及齒痛名曰腦風

麻黃節不去 黑附子 防風 白芷 白姜蚕

黃柏各二分 羌活 蒼木各五分 升麻二分 黃芪一分

甘草一分 伏耳草三分无寒散去之 ○右剉水煎

●玉壺丸 治風温頭痛亦治痰患

南星 半夏 天麻 白麩 ○右為末

●安神湯 治頭痛頭旋眼黑

甘草四小半生半灸 防風二分 柴胡五分 升麻 知母酒制

黃栢同上 生地黄同上 羌活同上各一丹 黃芪三分

右剉每服五錢水二大盞半煎至一盞半加蔓京子五分川

芎三分再煎至一盞去渣臨臥熱服

●選奇湯 治眉痛不可忍大有神效

羌活 防風各三分 甘草二分一夏生冬白炒 酒苓冬去之熱甚者用

右剉每服三錢水二盞煎至一盞食后時又服之

○心痛第廿六 并脾疼

心痛即胃脘痛真心痛者其痛甚手足青至死旦誤及死東垣謂也此所論治乃胃脘痛以其在心之分故俗名焉

雖日久不食亦不死若治而痛止即食又復痛勿歸咎於醫也

須分久新若明知身受寒氣口傷寒物於初病之時宜用温散温

利之藥如草豆蔻 稍久則成鬱熱原病式中備言之若欲行温

散寧無助火為病乎由是古方多以山梔為主加熱藥為向導

則邪易伏病易退正氣復而愈矣山梔子十五枚大者九枚去

其



皮炒濃煎佐以姜汁令辣服之或加芎一錢九妙或用一陳湯加芎蒼朮倍加梔子煎服痛甚者加炒乾姜末反佐之

痛輕者以麻黃桂枝之類散之或以韭汁桔梗開提之重者以石

痛甚者脉火伏宜温藥附子之類不可用參朮諸痛不可補氣故氣實者用牡礪粉一二錢調下

以物柱按而痛止者乃挾虛以二陳湯加炒乾姜末和之脉堅實不大便者下之亦可

山梔并切藥止之又發前藥又不效玄明粉一服立止

一方用黃京子炒焦為末米飲調下甚効又方用監葉搗細取汁以姜汁和服又方用青黛以姜湯調下又方用海粉佐以香附

末以川芎山梔煎湯入姜汁調服又方無藥處以鹽置刀頭燒

紅淬入水中就飲之

有因平日喜食物以致死血留于胃口而痛者宜菝仁承氣湯下之又方玄胡索一两五錢桂滑石紅花紅麴各五錢菝仁三十

枚蒸餅丸服

有蟲痛者又面上白斑唇紅又痛后便能食時作時止者是也治

見三十一篇

一方治痰積胃脘作痛螺蛳殼岸上乾久者火煨滑石炒蒼朮山梔香附

南星各一两枳殼青皮木香半夏砂仁各五錢為末生姜汁浸

蒸餅丸如菝豆大每服三四十九姜湯下春加芎夏加吳連冬

加茱萸各五錢



心膈大痛攻走腰背發厥嘔吐諸藥不納者就吐中以鴉鴉探之  
出痰積梳許而痛自止

一人以酒飲牛乳患心疼年久身無汗醫多以丁附治之食  
減每痛以物柱之脉遲弦濇又苦吞酸以二陳湯加蒼連白木  
菔仁郁李仁澤瀉每且服之屢涌出酸苦黑水并如爛木耳者  
服至二百餘貼脉濇退至添純弦而漸充滿時冬煖意其欲汗  
而血氣未充以參芪歸芍陳皮半夏甘草服之痛煖與麻黃蒼  
木芎歸等繞下咽忽暈厥須臾而甦大汗痛止

許文懿公

白雲先生

因飲食作痰成心脾疼后觸冒風雪腿骨痛醫以

黃芽歲丹烏附治十餘年艾灸萬計又冒寒而病加勝難開合  
脾疼時勝稍輕勝痛則脾疼止予謂初因中脘有食積續飲痰

胃寒溫抑遏經絡氣血不行津液不通痰飲注入骨節往來如

潮湧上則為脾疼降下則為勝痛須涌泄之以甘遂末一錢入

猪腰子內煨名煨賢散食之連泄七行足便能步後嘔吐大作不食

煩燥氣弱不語予記金匱云病人無寒熱而短氣不足以息者

實也其病多年鬱結一旦泄之徒引動其猖狂之勢無他制禦

之藥故也仍以吐劑達其上焦次第治及中下二焦連日用瓜

蒂藜蘆苦參俱吐不透而噦燥愈甚乃用附子尖三枚和漿水

與蜜飲之方大吐膏痰一大桶以朴硝滑石黃芩石膏連翹等

一斤濃煎置井中極冷飲之四日服四斤後腹微滿二便秘脉

歇至於卯酉時予謂卯酉為手足陽明之應此乃胃與六腸有

積滯未盡當速瀉之諸醫感阻乃作紫雪二日服至五四腹減



稍安後又小便閉痛飲以蘿蔔子汁得吐立通又小腹兩痛以  
大黃牽牛等分水丸服至三百丸下如爛魚腸二升許亦不歇  
又大便逆痛小腹滿悶又與前丸百粒腹大疼痛腰膝重服火  
出不言語瀉下穢物如柏油條一尺許肛門如燒以水沃之自  
病半月不食不語至此方啜稀粥始有生意數日平安自嘔吐  
至安日脉皆平常弦大次年行倒倉法全愈

一童子久瘧方愈心脾痛六脉伏痛減時氣口緊盛餘皆弦實而  
細意其宿食詢之果傷冷油麪食以小謂丹津燕十餘粒禁飲  
食三日與藥十二次痛止後與穀太早忽大痛連脇乃禁食亦  
不與藥蓋宿食已消今因新穀與餘積相并而痛若再藥攻火  
胃傷氣至夜心膈索食先以白朮黃連陳皮丸服之以止其膈

此非飢也乃餘飲未了因氣而動耳若與食復痛詢其飢作膈  
間滿悶又與前丸子一晝夜不飢而昏睡後少與粥

一婦因久積憂患後心痛食減羸瘦渴不能飲心與頭更換而痛  
不寢大便燥結與四物湯加陳皮甘草百餘貼未効予曰此肺  
火為火所鬱氣不得行血亦蓄塞遂成汚濁氣壅則頭痛血不  
流則心痛通一病也治肺當自愈遂效東垣清空膏例以黃芩  
細切酒浸透炒去色為末以熱白湯調下頭稍汗十餘貼汗漸  
通身而愈因其膝下無汗瘦弱脉濇小便數大便瀝當補血以  
防後患以四物湯加陳皮甘草菴仁酒芩服之

一婦春末心脾疼日言腹脹滿手足寒時膝須綿煨火烘自畏熱  
喜掀露風涼脉沉細濇稍重則絕輕似弦而短渴喜熱飲不食



以草豆蔻仁三倍加黃連滑石神曲為丸白朮為君茯苓為佐  
陳皮為使作湯下百丸服至二斤而愈

一婦形瘦色嫩味厚幼時以火烘溫鞋溫氣上襲致吐清水吞酸  
服丁香熱藥時作時止至足心疼有痞塊略吐食脉皆微弦重  
似瀆輕稍和與左金丸二十四粒姜湯下三十餘次食不進予  
曰結已開矣且止藥或思飲少與熱水間與青六丸脉弦漸添  
與人參酒為藥湯引金瀉木漸思食若大便秘以生芍藥陳皮  
菝仁人參為丸與之蜜道便通食進

胃脘有溫飲而痛宜用小胃丹有食積急痛用備急丸

附方

●草豆蔻丸 治客寒犯胃而痛熱不可用止可一二服

草豆蔻

一分四分  
炒去皮

益智

橘皮

姜蚕

人參

黃芪

吳茱萸

湯洗去梗  
各八分

生甘草

炙甘草

歸身

青皮

六分  
神曲炒

姜黃

各四分

澤瀉

二分小便  
數者減半

菝仁

七個  
去皮  
尖另研

麥芽

炒一

訛胡

四分

右除菝仁餘為末浸蒸餅丸如梧子大服三十九丸白湯下食

遠旋斟酒多少用之此丸多治氣餒弱人心痛妙

●丁香止痛散 治心氣痛不可忍

良姜

五分

茴香

炒

甘草

各二分

丁香

半及

右為末每服二錢沸湯點服

●二姜丸 治心脾疼濕養脾胃飲食所傷

乾姜

炮

良姜

右為末糊丸服



扶陽助胃湯 治寒氣客於腸胃脘当心而痛得熱則已

乾姜炮二 棟參 草豆蔻 甘草炙 官桂 白芍一

陳皮 白朮 吳茱萸各五分 附子炮二 益智分五

右剉作一服水煎生姜三片棗二枚 有積聚備急丹良

●烏梅丸 治胃冷蛇虫攻痛心嘔吐四肢冷

烏梅三百 黃柏炙 細辛 肉桂 附子炮 人參六

蜀椒炒去開 當歸各四 乾姜炮十 黃連一斤

右為末取烏梅肉和蜜丸桐子大服五十九空心鹽湯下

又方 山梔子仁炒黃色

右為末姜湯調粥丸服冷痛者加草豆蔻仁炒末丸服

又方 治脾痛疼氣寒者可服

牡礪煨為粉 以酒調一二錢服

○腹痛第七十六

腹痛有寒積熱死血食積有濕痰脉弦食脉滑痰

清痰多作腹痛台苦蒼朮香附白芷為末以姜汁入湯調服大法

之方若此

腹痛者氣用氣藥如木香檳榔香附枳殼之類

血用血藥如當歸川芎菴仁紅花之類

初得時元氣未虛又推湯之此通因通用之法久又難壯實與初

病宜下虛弱衰與久病宜升之消之

腹中水鳴乃火擊動其水也用二陳湯加黃芩黃連梔子以有藏

寒而鳴者



凡心腹痛者又用溫散此是鬱結不行阻氣不運故痛

在下者多屬食又能作痛宜盈散之如乾姜炒蒼朮川芎白芷香

附姜汁之類不可用峻利藥攻下之蓋食得寒則凝熱則化更

兼行氣快藥助之無不可者

或曰痰豈能痛曰痰因氣滯而聚既聚則碍其道路不得運故作

痛也

諸痛不可用參芪白朮益補其氣旺不通而疼愈甚

白芍藥止治血虛腹痛諸証不可用以酸收斂

絞腸沙作痛以樟木煎湯大吐或白朮調湯吐之鹽湯亦可探吐

宜刺委中出血

復痛須用芍藥惡氣而加桂無熱而復痛者加黃柏

凡腹痛以手重按者屬虛宜參朮姜桂之類有不可以手按者屬實宜大黃芒硝下之

肥白人腹痛多是氣虛兼溫痰宜半夏人參二朮之類

飲食過傷而腹痛宜木香枳榔丸下之如氣虛之人傷飲食而腹

痛宜調補胃氣并消道藥參朮山查枳實麥蘖朮香神曲之類

如腹中常有熱而痛此為積熱宜調胃承氣下之

小腹實痛用青皮以行其氣小腹因寒而痛宜桂枝茱萸

臍下忽大痛人中黑者多死

一老人腹痛不禁下者用川芎蒼朮香附白芷乾姜茯苓滑石等

劑而愈

一人於六月投淵叔魚至秋雨涼半夜小腹痛甚大汗脉沉弦細

實重取如循刀責然與大承氣湯加桂二服微利痛止仍連



日於酉時復痛每與前藥得微利痛暫止於前藥加飛仁泥下  
紫黑血升餘依時復痛脉雖減而責又然猶在於前藥加附子  
下黑紫血如破絮者二升而愈又傷食於酉時復痛在臍腹間  
脉和與小建中湯一服而愈

一少年自小面微黃夏間腹大痛醫與小建中湯加丁香二貼不  
效加嘔吐清汁又與下沉透膈湯二貼不食困卧痛無休止不  
可披又與阿魏丸百粒夜燄熱下寐脉左沉弦而數関尤甚右  
沉滑數實與大柴胡加甘草四貼下之痛吐雖減食未進與小  
柴胡去參苓加芍藥陳皮黃連生甘草二十貼而愈

一婦患腹隱痛常燒磚瓦熨之面胃畏火氣六脉和皆微弦苦夜  
不寐悲憂一年衆作心病治遂覺氣復自下衝上形不瘦予調

肝受病與防風通聖散吐之時春寒加桂入姜汁調之日三四  
次夏消熱與當歸龍膽丸間枳朮丸一月安

腹中鳴乃火擊動其水也蓋水欲下火欲上相觸而然用二陳湯  
加黃連梔子有藏寒有水而鳴者宜分三陰部分而治中脘太  
陰臍腹少陰小腹厥陰



